

兩浙輶軒續錄

兩浙輶軒續錄卷二十目

姚文田 萬雲 程同文 蔡鑾揚 許宗彥

陳斌 王檢 朱淥 馬志燮 湯金釗

余本敦 佛智 張孟淦 孫曰烈 鮑爲霖

龔凝祚 汪家禧 吳興 倪暄 查人和

吳展成 楊蟠 李國華 錢善揚 許王勲

胡榛 胡正基 溫純 吳霖 徐錫圭

柯振嶽 王樹棠 翁忠錫 沈河斗 邵聲芳

夏淮 高灃 葉嘉榆 陳文述 曾衍杲

金衍宗 費端 嚴可均 孫東陽 吳榮

沈嘉春 陳葵 徐境 牟濬 任一桂

任以治 徐養原 黃模 陳文湛 夏之盛

錢廷錫 高應午 高攀桂 江鎮海 陸 豐

潘 華 徐紹曾 邱光華 沈范孫 孫映煜

鍾 晉 潘承勲 周如春 俞德順 俞挺芝

林希周 史夢蛟 邢 樹 牟汝霖 鄭祖芳

戴 琛

兩浙輶軒續錄卷二十

督學使者潘衍桐訂

姚文田

字秋農歸安人嘉慶己未一甲一名進士官至吏部尚書謚文僖著邃雅堂集

兩朝

特達之知持己方嚴莅官勤慎百數十年來學者盛談

嘉納

未嘗不究心漢學生平博綜羣籍所著易原春秋月日表說文聲系說文考異諸書皆入許鄭之室治部務通達治體不為激亢之行所為奏議無不切中時弊多蒙

傳誦焉

緝雅堂詩話姚文僖公嘉慶丁丑主會試先王父出其門經策文字極所忻賞道光乙酉公復主試順天先伯父開平公又被拔取兩世科名同逮門下傳為佳話先王父既選庶常改官刑部曾未十稔壯志已冥余與伯兄瑾商君少稟庭訓流連祖硯幸託先蔭同入翰林方與扇揚清芬仰企遺躅乃伯兄無年中道摧折讀公遺詩振觸前事話長悲

朱壽巖翁畫雙松歌

翁諱山字懷人歸安人乾隆辛未進士官知縣

虛堂颯颯生長風墨池飛出雙蒼龍盤拏勢欲拔地軸鬱律

上更穿鴻濛朱翁傲儻有奇氣得酒不辭千日醉家無儋石
客常滿雄辨高談極瑰異既工文翰尤善畫驅遣雷霆走精
銳每當得意輒狂叫驚使旁人起相避畫松能出胸中奇張
璪畢宏安足師拂几鋪紙筆未下巨觥傾倒如漏卮淋漓墨
瀋隨所到忽然貌出生枯枝凌兢疑受霜雪壓正直儼有神
明持是圖吾祖昔所度早歲讀書南山陲殺雞燒荀敗園竹
老僧嗔怪聊相貽翁嘗與先大父同讀書道場山之歸雲庵
一日見巨筍出地翁斬荀納雞其中掃竹
葉煨食之老僧見而歎曰筍未剛斷根園竹皆敗矣翁因作此酬之後歸吾家已三世寶之不
異球圖遺回看門外雪盈尺笑憶溪橋曉踏時翁嘗大雪過
倉橋爲鄉人
荷擔因索飲一時傳以爲笑蓋翁偶與戲耳其不羈如此然
大德不踰故鄉里無非之者庶官燕閭多惠政奇人也惜後
葉甚不振故附記此以當小傳

楊三

正邦

以州同知入楚需次十二年馳驅戎馬艱苦

備厯今秋始借補黃梅丞余于役過清江鎮乃履任
之次日喜得相見又歎其遭際之難渡江次日卻寄
楊侯別來十二年中閒消息猶茫然艱難數載事戎馬雁書
不到軍門前乍來江口瞥相見喜極翻令淚如霰自言九死
厯戰場到此歡逢豈初願功多已邀

天子知廷議不得逾常資官微且便竊升斗身安敢論居喧
卑楊侯楊侯爾暫息鵬鶚得天終奮翼我昨乘舟渡早潮盡
日風波行不得三更潮落浪亦平歛如快馬張帆行琵琶亭
外津吏語鐙火早見潯陽城人生遇合適其適過眼浮雲變
今昔所嗟良友會面難歸當與子話終夕

人事行

退之貶潮陽子瞻遷惠州當時謂非人所居孤臣竄逐心懷

憂天荒地冷有時闢邇來雄富傾南陬惠雖不如潮冠帶亦
雲稠始知帝王重聲教漸破力足窮遐幽吾讀瀧吏吟中憤
意難默坡老殊倔強時亦露悲惻萬死投荒更何得祇今尸
祝惟兩公人事迷茫安可測

登伊闕歌

洛陽地形天下雄奔騰一氣來關中桃林函谷屹右峙成皋
廣武環其東邙山天然若屏臥後障洪水安奔衝峨峨伊闕
禹所鑿蒼崖中斷飛白龍澗瀍穀洛互吞吐迅流下與渾河
通始知前聖運神思作都定鼎侔鎬豐我登絕頂試周望森
羅法象開心胸世人愛古重文字搜剔蘇石誠雕蟲山川如
此那易有胡不振策攀高蹤凌風自恨無健翮雲中莫辨華
與嵩古來才士誇地產此邦前史尤稱隆賈生才調後無匹

程門道脈世所宗前者導波後者繼鬱積不少坤靈鍾嗟予
安得如伯樂一顧冀北羣馬空

自題閉門覓句圖

老屋生塵榻未移縱橫書卷壓烏皮墨將磨子眞憐汝詩不
窮人卻怨誰遠夢漸隨芳草盡苦吟端有晚蛩知豆花籬下
藤陰底尙憶循廊負手時

乙丑正月自粵東還京卜居鐵門三首

十年人海舊藏身嶺嶠歸來迹已陳湫隘不辭聊近市歌呼

相和且隨人

宅南接指揮宅漢書注
呼讀去聲此本蘇詩

燕因補屋銜泥倦鳥爲

將雛覓樹頻家具正如東野少不須車載借比鄰

傳舍情知未是家小園猶自戀春華謝庭夢覺池生草庾賦

吟餘屋有花扣戶喜無徵欠客

做居
官室

到門差便散衙車舊游

肯比揚雄宅載酒應須月未斜

論才久已謝當時成佛生天百不宜入世豈無三宿戀借書

難了一生癡清吟小閣焚香晚靜寄南窗破睡遲試踏鐵門

還自笑吳興誰嗣永禪師

萬

雲

字書臺號子雨又號笑陸仁和人嘉慶己未進士官廣東惠潮嘉道

杭郡詩三輯笑陸曾祖九沙先生經舉丙辰鴻博由鄞遷杭遂注籍仁和笑陸以銓曹入直樞垣出守潮州有

清操多惠政其任京秩時嘗扈

蹕至南天門墜馬折臂

上閱之命回京調理更數醫莫能續故阮文達輓聯有折肱塞嶺嘔血潮陽之語生平熟于史事稿多散佚

呈朱石君相國

重簾寂寂晷頻移筦籥勤稽啟閉時流水暗從花徑度春光

不遣柳條知防嚴法界消羣障座領清風替左司甘澍浪浪

連夕沛合將郇黍續風詩

程同文

原名拱字字春廬桐鄉人嘉慶己未進士官至奉天府丞著密齋文集一卷詩存四卷

梁章鉅序略先生年少已騰譽詩古文辭軼其儕輩逮通籍觀政兵曹益矢研究期大用於時既入樞直練習

朝

章得歸貫串每擬稿輒當

上意

中開議大政斷大獄或值軍務填委率十餘紙一時並具曲折詳盡閣部大臣咸倚重之平生於學無不窺尤

長地志凡外國輿圖古今沿革言之極審而遼金元三史中建置之異同稱名之淆舛他人所不易明者獨疏

證確鑿若指掌紋嘗修纂大清會典八十卷裁酌損益不假旁助自謂生平精力盡

大

於是書遇朝廷大典禮經進之製亦往往出先生手

朝

廷大典禮經進之製亦往往出先生手

分水書院二首

昭明臺下碧溪流溪面圓沙一片浮市集正從分水斷林泉

新闢講堂幽歡顏真見千閒廈立腳相期百尺樓鹿洞鷺湖

游可續鰕生端自有千秋

枕溪傑閣照澄寒萬里春風入倚闌落日高簷雙塔瘦晴天

遠幕五湖寬蕭蕭講席延花影閃閃書燈出樹端知落他年

遺恨在等閒拋卻案螢乾時將有山左之行

蔡鑾揚

字浣霞桐鄉人嘉慶己未進士官福建延平知府著證齋集

府志鑾揚七歲誦離騷及唐人詩有所得即執筆吟弄

學政阮元按試奇其才命肄業詒經精舍卒成進士

縣志公生平無他好惟於詩力追古人超絕流輩官京

師時壇坫極盛及典郡八閩猶復與海內詞人詩簡往

還不絕論者謂得

六代三唐遺意

冷廬雜識浣霞先生由儀曹出知延平風雅好詩公事

之暇於署中大觀樓集同人及其子伯翼離尹鴻恩季

成少尹鴻憲為詩社更唱迭和佳什甚多

唐子畏秋山策杖圖

何人曲徑抱雲還絕好幽居住綠灣疎雨一林黃葉晚半隨

秋夢落空山

如畫雲山落照邊板橋冷臥半溪煙一筇祇赴尋秋約不辦

人閒賃酒錢

翩躚裙屐倦游時門外青山結夢遲誰似浣花溪畔客晚年

人寄草堂資

孟子畏自題詩意

盤香

迷迭長縈恨兜婁欲悟禪累雲金塔小印月玉環圓蠡甲氤

氤合螺文宛轉連相思灰一寸心字亦迴旋

許宗彥

字積卿號周生德清人嘉慶己未進士官兵部主事著鑑止水齋詩文集

阮元傳畧宗彥入兵部後兩月即以親老引疾歸遂不復仕居杭州杜門著書於學無所不通探賾索隱識力卓然發千年儒者所未發是謂通儒文集多說經之文能持漢宋儒者之平有補於聖賢精義者始著於篇蒲褐山房詩話周生年方就傅穎悟非常讀書目數行下稍長遂博通墳典自經史詩詞而外如小學算術醫方梵筭靡不涉獵尤深於古文本於宋之南豐明之遵巖理實而氣空學充而辭達同時與戴金溪敦元均以神童稱金溪樸學專工注疏詞章所不逮也嘗從其尊人方伯君徧歷滇黔東粵山水故瀏覽之作亦多超越

兩浙輶軒續錄

卷二十

蔡鑾揚許宗彥

五

八十八

緝雅堂詩話嘉慶四年禮部試得人至盛積卿兵部奄有皋文伯申山尊諸先生之長所撰鑑止水齋集刊于廣州阮文達公謂能持漢宋之平先師陳君深韙其說

吳烈婦墓

烈婦之心金百鍊七死七生心不變膽瓶可碎腸可割身與琉璃同皎潔此事距今百廿年墓門荒草埋秋煙清光如月不可蝕暫晦終顯甯非天觀者太息行者止道左綽楔還卓然前有檢討毛銘以片石文中豪後有學士梁大書七字鸞鳳翔表微自是吾輩事殺身豈博姓氏香面孤山背葛嶺此坊此墓合共湖山永

皇嘉慶年龍壽星修墓者誰吳之後裔河其名

節孝張母王孺人詩

楓涇水清瀾瀾楓涇鄉節孝里里中張母可百世祀伶仃弱

歲育於張唐蒙寄生松柏旁隨大婦奉高堂使助簪孝且良
敬事夫子敢矜容光舉子及女教育有方夫子病沈篤哀籲
乞身代鬼伯不見省使我寸心碎上有白髮鬢鬢之老姑室
中女君甚矣憊持門戶大不易身不可亾強視息黽勉有無
具甘旨姑年九十婦心乃喜於戲賢哉節孝母今敬姜布裳
操作勤女功撫育適子同所生事亾如存潔烝嘗葬夫子及
女君穿土其側自爲藏同穴之義何章章於戲賢哉節孝母
三十喪夫子冰霜以自守天矜苦節報以福厚身見五世年
過八十世希有子孫繩繩昌厥後歸於其室如釋重負作歌
詒之彤史傳不朽

自萬安陸行晚宿玉振寺次日至烏兜驛緣山行得小
道至贛山徑縈曲巖澗幽塊彷彿黔中林木特富蒼

翠四滴乃更勝之

水漲畏途遙山程理輕策驚波辭潺湲織路入深僻林巒窈
窕延堆阜縱橫隔溪鳥鳴鉤輞野花映紅白煙際聞鐘聲招
提傍崖隙放梵趁暮齋僧牀一宵借薜蘿纖月挂竹影參差
積清夢逗禪關明發憩山驛興人耽捷徑一綫穿崖峇瀑泉
隨地流石滑小橋窄拂袖柏葉香冒杖藤梢碧立久雲滿衣
當午風生腋迤邐峯爭高去天不盈尺空翠四垂圓濛濛落
巾舄中央忽平曠田舍儼區畫雞犬雜猿猱童稚詫生客桃
源路庶近仇池穴疑闢山靈巧位置勝境深祕惜前行尋去
途迴望窮來迹孤絕難重游幽興轉增劇高城曩縣旌暮氣
奄將夕仿佛憶黔南茲行儻更適甯嫌簪笠勞賞懷自怡懌

詠懷

至靜蘊生初哀樂因物移有懷誰能已發言乃爲詩此興或
殊趣風雅甯異辭要於情有感各自義所施寄託邈爾遠文
采斐然宜端憑寸心寫足使萬象隨真意苟不存奇語終支
離良工矜雕琢太樸無還期頽波孰能挽椎輪尙可思聲音
本自然悟者自得之甯爲後人棄勿使前民嗤

中宿峽用少陵集鐵堂峽韻

連峯蔽空來勢阻江路絕非岨非崔巍太古立積鐵翠重陰
崖肥雲透石根裂細溜停空凹皎若化殘雪此地實奇險過
客色無悅峭帆掠懸巖屢作之字折飛雨忽灑人曦景互明
滅天風颯以寒盡蠲肝肺熱

大廟峽用少陵寒峽韻

昨暮泊中宿秋氣感百端晨入大廟峽崖險風逾寒日澹草

木瘦路細行人單魚龍逼沸鬱咫尺銀濤翻奮擢就沙觜怖
此未敢餐此生長行路畏說行路難

涇陽峽用少陵青陽峽韻

緜延太尉山十峯九不惡切漢高龍從摩天翠崔錯森如佛
座巖靈胡不敢削白猿渺孤騰清泉忽雙落屏張九疊深江
轉一帆博日色覆虛陰煙光斂空漠層巖人徑窮冥寄傲五
嶽鬱鬱蛟龍宮千年氣旁薄大造矜神奇太始隱寥廓俯仰
惟生平生理耽寂寞

墨龍潭古梅

天龍聽法耽空綺歸來偃臥空山裏千年鱗甲古苔封片片
白雲吹不起幽人衝雪戴圓笠足繭嶂屺拾危級盎然春意
溢冬襟習習微聞暗香裊黯淡龍祠抗風榭拗屈疎枝壓簷

亞啄花凍雀瘖無聲潭水清空玉光瀉寂歷荒壇少人迹絕
世芳姿誰得惜超超色相不離塵相視無言兩莫逆晚來霧
冥山如醉瘦影浮空點輕翠神清骨冷絕閒愁鐵石心腸轉
娥媚花前臥聽清商弄翩翩化作棲花鳳一聲孤磬梵天來
月落參橫破幽夢

陳

斌

字陶林號白雲德清人嘉慶己未進士官安徽青陽知縣著白雲文集

府志斌天資彊毅通達古今發爲文章師經探道辭約理該視當世之專事雕繪者不同

東小檀欒室諸君

山居宜靜者蕭寂得高情拓地皆栽竹作歌求友生知君素
心愜聽爾足音清人境未妨遠由來幽意并

清平山裏樹樹樹長莓苔指此夏涼處欲攜秋被來百年殊
草草兩鬢漸皚皚野鶴諸君似礫礪我意頽

王

檢

字式庵一字已亭山陰人寄籍溫州嘉慶己未進士官山東鹽運使

家傳略公居官正色率下以廉潔稱任山東時屢攝藩臬篆度支刑名手自裁決上下憚其神明東撫雅重之將登薦牘引疾歸改歸山陰原籍卜宅郡城葺廢園而新之名曰巢園著詩經旁證蜀都賦音釋

巢園復初山房偶成

樓閣依香國軒牕俯綠波水清魚影瘦花密鳥聲多得酒杯常舉吟詩墨嬾磨濃薰透簾隙初放一池荷

花徑山寺

夾道松杉綠蔭圓溪花禪意澹塵緣蒲團一覺清涼夢竹裏

山禽嘯晚煙

朱

淥

字清如號意園山陰人嘉慶己未進士官江西臨江知府著溫山堂詩文集

朱慶祺行述略府君官臨江廉平有聲建章山書院以勸學去之日士民祖道多歎息泣下賦詩贈別者百餘人集為瀟江泣別詩歸里後修嵎縣志與二三故交登鹿胎泛艇湖窮四明沃洲諸名勝凡所遊歷悉紀以詩

有刻
遊草

山陰道上

行行出春郭徙倚鑑湖隈
買犢村人集談經野廟開
暝流蝌蚪活叢樹鷓鴣來
待趁青帘影提尊餞落梅

友人邀遊雲門得飽看日鑄射的諸峯久而知其爲覓
地也漫成二律

范蠡城外水如煙麥秀桑濃二月天
兩岸綠圍僧院竹萬山青引酒人船
且尋日鑄銀鉞茗擬問雲門玉板禪
誰道櫻鞋桐帽客此來端爲訪牛眠

千巖萬壑化人居偶值登臨興有餘
康樂何妨作山賊向平原不解堪興
要收風月歸詩卷不信公卿出葬書
我舉匏尊歌一曲滿空嵐翠撲襟裾

偕友人宿雲門寺

月色暗羣峯蒼煙帶露濃水仙香佛榻山鬼嘯寒鐘夜靜猶
談虎溪喧欲吼龍夜涼長不寐把劍看芙蓉

石君師奉

命教習庶常授書有作恭次元韻

問字韓門十四年

余戊申選拔出公門下

竟傳衣鉢更欣然浙西舊侶

仍同雋

戊申與姚秋農殿撰同膺選拔今復同榜

皖水前塵記宿緣

壬子元旦皖江撫署蒙公

許與山尊同爲命中才

灌到醍醐堪證佛飲餘沆瀣總疑仙玉堂賦手

縱橫甚常忱他人著我先

蓬瀛三到歎猶龍天遣扶持大雅宗注選望曾隆甲觀授經
人合拜丁恭神犀照處驪探領老鳳鳴時鷺在雍管領詞臣
期報

國願公眉壽比喬松

驛柳四首和張船山同年韻

踈地長條綰雨晴
幾程送別幾程迎
竭來嚙嚙鳴蟬路
慣聽蕭蕭班馬聲
閒抱酒旗眠野店
暗傳畫角下江城
道旁認得將軍樹
露滿沙河夜駐營

東風吹綠上征衣
古岸遙隄樹樹圍
一騎紅塵看馬射
幾年青眼望人歸
常將歧路和煙接
欲捲愁心作雪飛
亭短亭長閒管領
道旁回首總依依

瘦腰人比沈東陽
怕聽鶯聲似故鄉
渭水春歌三疊雨
灞橋秋臥萬條霜
澹紅時露新亭堠
慘綠遙連古戰場
一角戍樓高聳處
曉風殘月儘成行

天邊星宿地邊州
牽引征夫萬里愁
夢裏送人曾及第
閨中

爲爾怨封侯飄零關塞風初劇搖落江潭水自流曾是材官
旁午地雨絲煙絮又經秋

立秋前五日邀程春廬駕部胡雪樵方鐵船水部錢謝
盒銓部集素心書屋分韻得人字

吟社逢秋第一巡草堂筆墨也精神喜傾家釀留名士各解
奚囊贈主人無物可醫塵世俗有詩便覺友朋親隨風珠玉
輸君輩敝帚千金敢自珍

寄懷傅篁山舍人

曾向韓門筮盍簪風簷校藝共推襟

與余同出朱文正公門下丰裁潔似

三山鶴文筆精於百鍊金醉我不殊公瑾酒離君嬾撫伯牙

琴懷人千里燕雲隔愁比湘湖水更深

君蕭山湘湖人

題王笠舫孝廉小照

萬古開生面王郎擲筆來乾坤得清氣仙鬼助詩才博覽空
文苑狂歌縱酒杯吾鄉鍾奇士巖壑是胚胎

踴躍遲科目荒唐問鬼神萬言堪倚馬一哭也驚人與洪稚存先生

醉後大哭洪詩有唐衢歿後一千八百餘年惟有茫茫此場哭之句湖海多題詠交游重性真

黃金臺畔立駿骨出風塵

馬志燮號春庵會稽人嘉慶己未進上官雲南迤西道

孫德祖曰先生為厚莽太年丈從兄先後登進士並在刑部以治獄仁恕聞皆于先王父為執友前此多見先生投贈之作恨經焚盡付一炬僅于上虞王氏載生集得四截句謹錄其二以見一斑益歎梨棗之功可與金石同壽也

題王石友載生圖

冰壺濯魄月為鄰纔顯鬚眉澡雪身入險何緣隨出險眼前
多少險中人

學海沿洄自不驚校書曾記昔賢名穀紋細蹙銀蟾影似有

藜光照更生

湯金釗

字敦甫蕭山人嘉慶己未進士官至吏部尚書協辦大學士謚文端著寸心知室存稿

魯一同神道碑畧公生而端靖寡言內朗家世服賈而公獨淫於學以名諸生舉省試第一既官編修朝貴爭

羅致之謝不往而時時徒步從大興朱文正公游請業督過如古聖賢相為師友初

宣宗

在潛邸尤敬禮公公之典試江南也宣宗率諸王公賦詩贈行榮重無比公內剛外訥師道自處

意所不可輒變色不實對雖大廷亦如此以是見憚然亦浸嚮用公迭奉

命馳

傳山西宣化四川陝西武昌福建各行省治獄復由皖之浙至江淮稽察河漕諸利弊三四年中周迴數萬里

輟簞所居中在鋤強朝野悅服時有湯某品學醜正奉使公明之

論公

敷歷三朝四典鄉試再充會試總裁一知貢舉四掌留鑰周歷五部侍郎再長風憲歷授吏戶禮工四部尚書前後凡四

直

上書房自官翰林時布被脫粟後常不使有過其學以治經為務主敬為本以事去位凡十有五載

宣宗之季年

恩眷彌篤每對廷臣垂問再四咸豐四年重赴鹿鳴加太子

太保銜耆耄優游

兩朝篤禮之盛近古所未有也

陶濬宣曰道光十八年夷既首發于廣東不得逞則東

陷定海南犯厦門北至天津沿海騷然事不可解當

是時中外恬熙厥聞邊事

上從容問公以廣東可付託者公仍以林文忠對坐是失

旨而公自此不能安其位矣未久遂因事去官公立朝數十

上所信任而不與機務師傳道重侃侃不阿有汲黯之慤晚

年杜門卻掃每日晨起鈔經書二百字凡鈔論語大學

中庸爾雅禮記毛詩尚書周易孝經孟子左氏傳後以

疾作而止然猶日讀通鑑周易終公之身卒年八十五

公於詩不求工而和平忠厚得詩人之旨且多悟道之

言嘗自題卷尾云詩文無足觀奚必存顧一生性情事

迹在其中不忍棄亦俾世遠子孫有所攷云公所著有

奏議二卷輶車日記八卷

隙光隨筆一卷年譜一卷

陳恭甫同年乞假南歸見示留別詩隱然有高蹈之志

報章贈行兼以箴之

雅材膺

懋簡

是年散館改部復留者君居其一

士論翕然孚鼎養方烹雉衡栖忍食

鱸南陔誠眷戀

北闕亦踟躕歸讀書千卷匡時著遠謨

經年芸館聚

散館前同寓庶常館

昕夕喜追隨問字無人並談心許我

知悠悠千載意落落兩情期揮手挂帆去秋風何限思

屈指鄉前輩寥哉李

文貞蔡文

勤賢伊人如可作吾欲執其鞭學

業探眞際詞華浪苦研崇修各努力跂望七閩天

余數有多言之悔得玉環佩之名曰吉人環取吉人辭

寡意也因系以詩

三復防圭玷周旋視玉環雌黃開怨府守黑閉危關默契圓
虛理溫含縝密顏韋弦結佩處心與吉人閒

登天一閣爲范生桂齡兄弟題冊

夙仰范司馬寶書貽子孫
竭來高閣上不散古香存
賢誥多能讀丹鉛好細論
殷勤堂構意況荷

賜題恩

題三百又三士亭圖爲韓樹屏侍郎作

愛士亭環石風流見笥河
韓公繼高躅圖繪譜新歌
書聽兒孫讀林成磊落多
還思朱太傅樂育更如何

文正師繼笥河先生視學閩中

李忠毅公輓詩

忠毅人中傑艱難海上兵
爲官不惜死報

國遂成名黑水

洋名

風何惡蒼天鑒孔明哀榮

丹詔備亦足慰孤貞

恨不須臾活看茲竄逆除鬼如能殺賊公定相擒渠海月思

同濟車車紀金 卷二十一
旗鼓魚龍畏簡書甬城瞻廟貌揮淚一躊躇

邵伯道中阻風

西北起大風舟行遂凝滯來者瞥然過揚帆疾如驚但知順
風樂那識逆風苦一篙復一篙牽挽汗如雨傍岸更循洲東
抵又西牯叫囂一何勞所爭只跬步乃知處逆難蹇困竟如
許得寸則余寸何可畏而沮但教手足勤奚慮風波阻定力
正在斯中流思砥柱靜坐敝船窗悠然啟遙悟

道光壬午奉

命偕英大司農

和

汪大宗伯

廷珍

李少宗伯

宗昉

校士禮闈

英大司農見示七律二章謹和

纔從

行殿晚門回又奉

傳宣躍馬來

天半瞻顏

溫旨逮花間整轡夕陽催星辰喜接尙書履廊廟須掄大雅材

恩榜南宮開第一酬

知何以拔真才

幾度春風旣耗中忍將今日坐冬烘大都以學微窺行最是難明漫說公前輩典型師法在同堂商榷鑒衡空五星昨歲奎垣聚定見祥雲榜下紅

題澄懷園食筍齋圖次祁春浦宮允韻

齋爲黃左田尙書舊寓春浦居

馬并從黃公
子乞得是圖

湘簾南捲簷簷倚紗窗北映芙蓉朵雀舌茶清筆研前龍涎

香囊琴書左中有仙人侍直歸手披圖史澄心坐階前一任
雨傾盆牆外那知風堀堦書畫依然寶晉齋江湖何處鷗夷
舸雨露恩深返故山星辰履遠辭靈瑣公子丹青筆格高門
生題詠詞鋒果淵源家學才共驚衣鉢師傳聲不墮鵲巢鳩
處固其宜謝墩王認何不可圖歸祁午櫝連珠詩和黃童脂
出輟留客同參玉版禪金剛妙偈無人我

湯陰謁岳忠武王廟

撼山容易撼軍難規復中原智勇殫誰遣金牌將國棄空留
鐵像與人看鑄鐵人五跪於廟前西湖埋骨冤終洗南渡安心局竟殘
兩字精忠輝故里風雲肅穆護瑤壇

道光九年奉

使入關回途

賞假五日省墓有感於懷得詩五首呈伯兄并柬諸弟姪
年年寒食望鄉關設祭空庭擬故山魂氣縱無分遠近邱原
終未遂躋攀何期駱馬皇華便得拜湘湖葛蘆閒排日買舟
飛兩槳親知同載夕陽還

欲歸歸到轉傷心白髮雙親何處尋幸有聯牀談翦燭

謂伯兄

頻將美酒勸深斟六旬兄弟嗟難得

伯兄今年六十有四仲兄叔兄皆未至六十堂

兄亦無六十者

予今年五十九五日家鄉感不禁相視容顏校肥瘦明年知

否健如今

憶昨傳杯送我行一堂羣從最多情青山俯仰成今古宿草

淒涼判死生

五年前饒別在坐者瑞木兄華野弟寅軒姪皆化去而延祉姪亦逝

宦蹟每慙酬

祖澤科名終望振家聲明朝江上揚帆去渺渺相思又

帝京

題翁二銘侍講藥洲訪石圖

二銘貽我九曜碑二十九紙羅珣琪就中米詩最傑出三十
一字蟠蛟螭青空碧海語適麗乾文怪石形瑰奇六行參差
可捫讀六年七月熙甯時筆力雄勁透石骨南宮眞蹟俱臨
池蘇齋好古訪金石八年披討珠江陃剗苔剔蘚靡不到訂
譌攷異無或遺獨於是詩求不得慨想一再形歌辭明知老
榕腳下在重費剗削留遲遲摹勒元章藥洲字牽合旁題連
讀之遂意遊粵在元祐海岳年譜徒滋疑韜光匿耀六十載
一旦青天雲霧披盤根截去字呈露深泥洗出文迷離推尋
點畫辨句讀摩挲波磔窮毫釐嶙峋二丈仙掌石分明一首
襄陽詩前人所闕後人補後事要從前事師君家於石有宿
分先後持節成全斯拙沈掇淪視此石海中拔盡珊瑚枝

奉

命教習庶吉士追次海甯陳文簡公示館中諸君子韻索館

友和兼柬文少司農

四十年前此受經翰林華蓋應天星

新恩簡命慚模範前輩詩篇溯典型華國文章資黼黻染人
學業甚丹青簪毫挾策柯亭畔藹藹羣賢看聚廳

熙朝芸館盛培英

庶常館額
芸館培英

器識才華孰重輕一代經綸知

有屬百年楨榦不勝情要從德業希賢哲敢誦文章報

聖明中祕書多勤誦讀下帷依舊短鐙檠

青陽遇雨望九華不見用錢文敏公山行韻志悵

夢想游九華咫尺不成覲徒聞昔人言秀出天台右濛濛四
山雲戚戚雙眉皺我羨陽明翁往游來且復賦筆并詩篇灝

氣與山關太白真仙人奇詞壓峯驚憶昔道華陰遙望三峯
瘦重登萬壽閣嶽蓮析肌腠茲經望華亭甘澍隨車後薄暮
泥滑滑趁程逐鷺堠清晨泮宮前烏雲含雨又青陽廣文爲
予言學宮前
清明望九華
歷歷可覩賦緣一何慳銀海落霧圍蜉蝣寄天地安得如
汝壽何日遂壯游九十九峯秀

詠紅梅

素履何堪染蒨紅酡顏應是醉春風芳心肯作時花媚世故
聊隨俗態通飲我流霞香灩灩照人華燭影融融孤山終恐
移文誚猿鶴宵寒紙帳空

山陰道中作

桃花如錦柳如絲春水油油泛畫船蜨翅低黏青草露魚鱗
遠映白蘋煙連村山意迎人笑過雨雲陰照海鮮正是蘭亭

修禊節權歌遙聽鏡湖邊

題畫八首 錄四

溪邊一抹雲鎖斷垂絲柳疎籬茅屋中清福誰消受
屋外列青山門前繞綠水疑是桃源人避世來居此
維舟綠楊岸微風吹清波坐看雲起處隔浦青山多
一幅富春山山水相映碧欲釣桐江魚提壺坐盤石

游龍杖歌 有序

游龍蓼也一名水蓼霜降後擇其老者製爲杖質堅
而體輕甚適於用惜世無知之者歌以紀之

休閒老人栖蓬廬荒園日涉成清娛散步瓜疇與芋區秋花
錯雜爛漫敷雞冠鳳仙紫白朱豆莢羊眼葵葉鳧映帶游龍
十數株丹珠瓊珞垂流蘇中有一株高丈餘花葉峻茂與眾

殊老人對此三躊躇上循其頂下至跌丁甯園僮慎勿鋤當
老其材爲杖扶天寒霜肅百卉枯茲材玉立蒼珣玕深根拔
出汙泥塗天矯頭角張虬鬚暴以杲日芟繁蕪直節外挺中
心虛神物變化來仙都輕逾邛竹堪風趨堅比鶴脰鏗庭除
老人腰腳忘疲劬撰杖低頭起長吁世閒良材何處無不遇
知己糞土如薶以鏹趙同朽茶誰信功與靈壽俱蘆簾梅帳
竹几鋪陪以朱履行于于寄語水國多選儲上之伊耆養老
須杖國杖朝爾與吾延年繪入香山圖

題禮烈親王克勒馬圖

真人龍飛黑水鄉駕熊馭虎鞭羣羊雄姿偉幹鍾天潢天產
神駿佐英王王之躋勇人莫當汗馬百戰先戎行魚皮烏拉
葉赫疆大纛奕奕夜生光薩爾滸山吉林岡明兵號二十萬

强翦滅此食五日糧馬首所向皆披攘有如駿駁吞虎狼鼓
聲之聲謹雷礪火牛燧象走且僵騰槽躍櫪獨奮揚鬣尾森
豎目裂眶橫突鐵騎衝刀槍凌躡厓礪猶康莊跑土出泉湔
愈創安平聖水流如漿是真月駟星精房王騎箕尾歸雲間
馬聞蹢躅神沮傷絕餐紅粟枵酸腸王生馬喜逢孫陽王死
馬願從秦良嗚呼節烈士不常何乃馬也思斯臧昔無畫者
今畫裝圖成高玉階張問傳以汪琬按圖讀傳言能詳身高七
尺丈咫長腹毛螺旋耳角芒海棗之色浮丹蒼黃金鞍鐙紫
絲繯屹立紙上猶軒昂自昔騏驥呈符祥堯侯赤文軒飛黃
降及漢魏嗟志荒侈陳上黨飾燉煌昭陵片石摹初唐迄今
讀畫珍琳瑯我

朝受命天溥將負圖告期運會昌彪鴻翊衛都一堂人既雄

耿蛟螭翔物復倜儻風雲驤白山莽莽江泱泱靈氣所蟠不
可量薦之

郊

廟歌宮商遠邁吉日車攻章

題金也巖廣文

錦文

按詩續彙圖

桂枝生自直桐陰敷自清雅人寄高抱勝景攄幽情先生越
中望奇文海內驚少年噪吟社名士聯詩盟悲歌走燕趙嘯
詠來句明鼓篋紛藹藹說經聽鏗鏗春風扇桃李時雨滋句
萌冷宦有餘適善鳴無不平苜蓿腹可果文字腸先撐晚節
律逾細大才研必精和墨閣筆管聳肩撚髭莖雕鏤破六鑿
馳騁周八絃繚肺析螟蟻拔牙剗蛟鯨奚童清且揚書帙縱
以橫此境絕塵染此心無俗撓珠璣落餘唾苓通視浮榮竭

來陪杖履琅然誦瑤瓊古貌深可挹素心默以傾披圖見瀟灑含毫先正營方聆球鏞響難爲瓦缶鳴

余本敦

字上民號立亭一號則山西安人嘉慶己未進士官至內閣侍讀學士著朗山詩集

殿

姚文田傳略立亭原名本惇

試榜更本敦少英慧七齡能屬文年十一出試卽冠軍

旋食餼聲名藉藉益自奮閉戶數年著有禮記直解周

官詳節圖書纂要觀史摘編等棄丙午舉於鄉己未成

進士既授職陳情乞養家居館穀佐

甘旨從遊之士一經講畫蔚然改觀

歟敦元傳略先生分部銓曹卽乞終養母卒後赴部矢

公矢慎充會典總纂官悉心討論既成陞監察御史歷

福建京畿道奏鄉會試外簾滋弊除衙蠹積弊參監督

玩視倉廩問官擅用非刑等摺戊寅典試湖北精心衡

拔闈卷至京爭相傳誦嗣因全漕告竣積勞

成疾陞內閣侍讀學士假歸數載歿于家

印山

澄湖自南夾激濫向西注有山當其衝屹立如砥柱面面環滄波歎飲煙與霧巍然高以方乃如印在御有氣何青蒼玲

巖嵌抱固上無雜草木叢桂滴風露登穴望嶽嶇拱峙作門
戶固當毓英豪方巖絕比附我聞形家言往往多謬誤人皇
定九州韡笏問何處今來對清秋指點斜陽渡竊歎造物奇
信有雲霞護

硯池

雙池浸石骨一青與一黃輻連印山麓稱硯良足方昔聞父
老語妄聽心徬徨來遊詫奇絕乃覺非荒唐青者映螺黛黃
者流霞光潛厔剖雲髓相隔無尋常如何弄狡獪愕眙神飛
揚豈非化工巧著色分琳琅我從湖上立匹練橫空長便欲
揮八極染翰煙雲將紅樹朱千點青山墨一行擲筆向天半
卓立峰昂昂

佛

智

字行方杭州駐防滿洲正紅旗
人官哈密吐魯番辦事大臣

城西古蹟考行方由協領遷成都副都統乾隆五十二年出征廓爾喀調駐藏大臣嘉慶元年調哈密吐魯番辦事大臣以老歸旗壽八十餘

題李希古禽蟲鱗介長卷應覃溪閣學之命

化生溼生卵生生各有性靈滿眼生機不盡形形色色聲聲

造化無窮出筆端翺飛蠕動與盤桓至人大道母羣物漫作徐黃粉本觀

張孟淦

字麗生號雲齋錢塘諸生候選州判著紅蘅館初稟

吳錫麒序略紅蘅館詩詞旨茂密比興纏綿

方懋朝序略麗生之詩標舉性靈流連景物身世之所振觸出入之所邑搖靡不鬱浮簡端同皇字裏張雲璈曰吾宗麗生明四始六義之旨具性情之真孝子所生才不達世讀其詩者未嘗不憐其遇也

讀族祖仲雅先生

雲璈

食硯齋集賦呈

鴻名憶我舊曾聞邂逅揚州得論文一代詞人推子野二分
明月屬司勳高譚已見才如海小隱何妨迹似雲便擬屏風
圖白傅朝朝長把佛香薰

小窗深夜月光流一卷詩編誦未休落筆果然搖五嶽此才

何患不千秋

賈齋詩明府

名長占竟恐韓蘇死抱愁

太息先生信奇絕撐腸拄腹有戈矛

集中贈趙雲崧觀察詩有我讀公詩不敢熟只

恐長在胸臆閒定有戈矛森森穿我腹何

詩人老去盍歸乎回首家園但綠蕪畫裏湖山懷故國

先生有思

歸天涯風雪感征途江城寒寄蝸廬小月地秋飛雁影孤

先生

新抱鵲原之痛

怪道季鷹鄉思切看來不獨爲莼鱸

光陰眞箇去堂堂愧我蹉跎二十霜賸有寒袍悲范叔那能

殘錦畀邱郎稱名已在孫枝列問字還居弟子行難得春風

披拂好可容小草傍門牆

蕭孝子詩

孝子名曰曠江都人母疾篤割肝相藥以進越日創潰死邑宰驚歎爲建祠梅花嶺側

世閒奇孝那有此救親乃竟割肝死割肝救親古罕聞閭里驚傳蕭孝子孝子家住江都縣膝下長爲小兒戀無端阿母抱沈疴終朝涕淚如滂沱淚滂沱病難療藥餌無靈醫罔效力窮計盡乃割肝度此或是返魂丹焚香再拜向天哭燭影搖紅光滿室歛容含淚急抽刀地震動鬼神肅可憐一片血淋漓痛絕中腸命不復吁嗟乎毀傷遺體戒禮經胡竟以此戕其生觀過知仁未宜刻作計雖謬心則誠迄今不知幾十載嶺上梅花動人愛恰歎祠連閣部墳忠臣孝子今如在閒居雜書所見

林有脊令鳥早晚相和鳴雙飛復雙宿親愛莫與京一鳥欲

他適將子託嚶嚶一鳥似重義乳哺頗有情豈知未終日彼
竟大變更高翔絕不顧粒食來相爭勿許同巢居風雨戕其
生盍亦念同氣胡爲背前盟物情且翻覆令我搖心旌

荅阮棣叔上舍

亭見贈

君家中丞公旌節臨杭州大海張鐵網親把珊瑚收賤子伏
蘆中孤寂生煩憂何期到邗上乃接君風流中懷頗愛客乍
見凝雙眸我翻平等視忘卻鸞鳳儔高談相爾汝興發互唱
酬昨讀一紙詩語摯情綢繆區區無當詞謬許登瀛舟來詩有采
拙作入瀛舟有如貧家女日夜機絲抽忽織公子裳顏色誰
筆談之語能侔又如幽蘭花開向空山陬采自佳人手清香或久留蹤
迹日以密情懷日以投作詩報雅誼他日無相尤

孫曰烈

字繼武號海珊錢塘諸生官廣東沙村巡檢著行餘軒吟草

楊振鐸曰海珊厯署福建廣東丞尉十餘任其詩經沈輔之太守映鈴選定所著尚有醫學隨筆四卷

題汪小米表弟松聲池館勘書圖

夙愛揚雄宅常停問字車雲陰低樹杪風影落松花藜館然
青火芸窗擁碧紗蓬瀛期不遠未許臥煙霞

山水供清賞悠然林下居案頭盈禿管亭上曝奇書剗厠無
淮雨神仙有蠹魚卽今通德里帶草滿階除

祭厓門故宋慈元太后殿

歲祀例以二八月委員渡海備祭余任沙村巡檢時恭行

禮畢敬賦二律

厓門一片石千載鎖幽宮謚以慈元表風因節烈崇城中無
寸土海外藉孤忠祀事茲承乏升香典獨隆

張南山太守招遊聽松園率賦五律

密樹藏花塢晴空積翠重樓臺臨水淨橘柚帶煙濃曲徑環

清澗長堤秀古松百年承雨露嘉蔭大夫封

新構湖船室光明一鏡懸芙蓉浮水面楊柳颭風前歌聽枝頭鳥茶烹砌下泉紅塵飛不到合住地行仙

鮑爲霖

宇奏雲號聽樵錢塘人諸生著力改齋吟草

杭郡詩三輯聽樵橐筆遠遊多棋山範水之作稿八卷桐城許氏麗京爲之序有女玉士工書善詠能傳其學

茗溪夜泊

更深聞犬吠知是到村莊月小山痕澹湖空夜氣涼暗潮生別浦遠樹隔芳塘一宿無多戀煙波興未忘

黃州漫興

鬱蔥佳氣望氤氲刁斗無聲靖楚氛雉堞一圍山市出虹橋兩岸水天分斜陽倒影懸金柱落雁驚寒墜黑雲滿眼霜華鋪地白清游赤壁記前聞

龔凝祚

原名紹京字晉藩號素山仁

王同曰素山生而穎異東髮能詩與陳雲伯曼生並馳
聲譽五言如秋夜云夜從花影轉秋帶樹聲聽焦山梅
花云花開太古雪香入大江潮七言如留別云人生知
己多歧路客館歸心入暮秋不寐云蝴蝶夢醒花得月
蝦蟆更斷雨兼潮夜坐云人影入秋方有韻竹聲如雨
不生愁客中除夕云殘歲來朝成過客故園今夕亦天
涯風格不減二陳

雲臺山和安化陶宮保原韻

題名翠壁倘容捫高隱何如北海孫

明僧紹曾隱此

絕頂雲生天下

雨中垣星燦夜初昏笑看淮水疏河水高坐天門俯海門九

點齊煙八公迹登臨應讓此山尊

大筆能馴蛟鱷氣高吟遙聽鳳鸞聲南方草木何人狀東閣

琴尊此地情紅日至今長皎皎白雲終古自英英海邦有客

曾酬答更託煙帆賦遠征

汪家禧

字漢刻號選樓仁和廩生著東里學人詩集

許宗彥傳畧家禧與歸安楊鳳苞嚴元照同受知于學使阮元沈篤銳敏好學尤甚性謙抑常若不及姚椿傳畧家禧尤長七略之學其言著書之旨以修己治人為本學務沈博卒歸極于理謂儒有鄭康成而經明有韓退之而用彰有朱文公而體立朱學之傳歷久無弊著書凡數十卷寄門人家煨于火所存者曰東里生燼餘集三卷遺文五十篇多說經之作其友秀水莊仲方門人仁和許乃穀所輯又有崇祀三祠志九卷汪遠孫為刊成之

西漢定陶共王陵鼎歌

繼大統者無私親追王定陶乖常倫京師立廟意未足陵寢備器整且肅孝子事亾如事存惜哉先有延陵尊主宗廟器長子事孝成之後孝哀嗣陶陵祀典歸藩封鼎銘何勒畿內供稱陵公然同帝制非錫祭器示寵異流傳身蓋又不侔想見當年備器周稱陶是在建平初二年加尊國號除尊崇背

禮且勿辨古質鏗鏗篆痕淺馨香曾薦幾春秋鼉聲紫色王
氣收丁姬冢發王祀絕此鼎飄零等頑鐵他年建武中興時
南頓哀平不共祠取鼎摩挲發深喟留與人開證牒議

吳

興

字冠雲號介亭仁和譜
生著古城陰草堂詩鈔

金亞伯

應麟

出其先世孤山吟社圖索題爲賦長歌

太岳先生始登進放手欲殺高新鄭後來建豎雖有功一忍
終身無不忍罪搜名教在奪情轉詔蓋臣除國釁紛紛輕薄
紈袴兒高踞蓬山壓寒峻吾鄉先正彭城公遠宦湖襄主文
柄十揭先教魏闕陳寸芹肯向私家贈權門吠犬搏神羊卸
卻朝衫賦歸隱弟兄叔姪聯吟朋勝地西泠寄觴詠山水童
時舊釣游泉石吟懷新管領孤山放鶴老逋仙把臂入林應
首肯秉燭何愁春夜長披裘偏耐西山冷或浮畫舫或跨驢

或翦園蔬或鬥茗西湖風景四時殊都入吟箋濺墨藩山川
閒氣萃一門不讓青箱名獨騁座中難弟號郁吾杖履追隨
句新穎喜有文孫善誦芬二百餘年迹未泯韻事曾將畫本
傳高風遂與吳山永我近移家傍聖湖攜尊日泛煙波艇醉
聽船頭風雨聲髣髴豪吟到孤枕

倪

暄

字梅圃海甯貢生箸梅圃詩鈔

杭郡詩三輯梅圃所居硤石鎮向無恙幼匱死之舉梅
園創集善資興建不替歲歲被集振河塞疏源鄉里多利
賴焉著有文鈔十二卷

訪友不值

橋迴通曲徑水碧抱孤村含笑花枝發消閒鳥語喧游蹤雲
出岫寬句月當門何日雙柑約相期酒一尊

查人和

字謫亭海甯廩生官順天府經歷箸借綠陰軒詩橐

吳振棫曰：謫亭歿後，吳思亭修從其子敬五索遺詩鈔，爲四卷，未幾敬五卒。思亭亦卒，稿本不知今在何處。所錄二詩附見。
吉祥居存稿

題思亭西湖買月圖時同客都門

銀燭宵明白板船，清光不照綺羅筵。
黃姑待聘原無價，例索人閒賣賦錢。

一舸無端易水寒，北風賺客到長安。
如何拋卻琉璃界，來換紅塵十丈看。

吳展成

字慶咸，號嶼巢，又號二瓢。嘉興歲貢，著春在草堂集六卷。

石澗山房詩話：二瓢善隸書，兼工詩詞，嘗刊啖蔗詞四卷行世。

簡梅里馮柳東登府

我有素心人，言在梅花谿。
盈盈衣帶水，把晤長無期。
神交逾數載，金石永不移。
之子本英邁，文章頗離奇。
憐余作同調，鴻

爪印雪泥何以慰相思怒焉如朝饑三秋鬱懷抱白雲中天
飛臨風感遲暮落月空梁低

偕晴山遊白蓮寺

得閒攜舊雨路入古招提野水臨橋斷春雲壓樹低茶香僧
出定梵靜鳥爭嘯海客遺書在牆陰碧蘚迷殿壁向有口本
書今不可辨矣

楊

蟠字旋吉號文樸嘉興陳
生著上洞草堂詩鈔

定香亭筆談蟠父謙嘗注曝書亭詩父子並深朱氏掌
故余命之修竹垞小志蟠沈長于詞嘗賦花影吹笙圖
詞擅

場

施少峯曰文樸博學能文閉門卻掃著述等身作
楊園先生年譜考核精詳以左手作書娟秀絕倫

寄少峯

短札惟勞雁與魚故人眠食近何如青桑影裏曾攜手黃葉
村中又索居粉墨頻年傳妙繪圖經指日有成書先生方
修石門縣志

志題詩緘寄休輕擲言若窮時味有餘

題楊園先生補沈氏農書後同丁明經小鶴作

張子眞儒者安貧孰比蹤及身耕且讀爲教士兼農沈氏遺
書少齊民要術重一編勤補綴百世發愚憊按月程須課區
田法可從扶犁春帶雨刈稻夜聽春儉以雞留客寒惟褐禦
冬語言歸質樸風俗賴彌縫時切謀生念常防力作慵楊園
有苗裔蠶績至今供

牧牛詞

牧牛南塘灣牛飲水兮我看山牧牛西村道我吹笛兮牛齧
草齧草飲水飽滿腹日暮叱歸牛宮宿今年我家牛不勞水
足可以休桔槔我喜我牛兩耳溼來年春耕牛得力牛勞牛
逸聽自由但得牛肥我勿憂

和陳半圭春日讀書四首

廬逼瓜牛小家慳甌石儲菜根滋味好長讀晦翁書
先後天觀易東西牖列銘檐花隨意落庭草向人青
至矣扶搖子大哉安樂翁陰陽驗消息太極一圖中
我愛求童蒙童蒙未雕琢既與講孝經更勸讀小學

李國華

字聲球號蕙浦嘉興人著蕙浦詩鈔

遠香詩話上舍少與從弟明經旦華以詩文相砥厲和平爾雅足繼前人遺軌性尤耿介家貧負米厯游幕府一時傾折有劉穆之之目

天台曉行

茅屋雞鳴早三更催客行亂山懸細路遠壑咽危聲松火穿
林暗疎星傍月明偶然殘夢醒僂指數歸程

嘉平冒雪渡曹娥江

作客頻年喚楫師重來風雪滿江時四圍山色行人少一片
煙波歸路遲負米遠遊嗟我拙依劉無策仗誰持袁安僵臥
非無志夢到陔蘭獨繫思

錢善揚

號几山秀水諸生著儿山吟稿

府志善揚長於金石考據善鑒別工書畫書法神似董文敏畫竹石花卉淵源家學得寫生趣至今人多珍之

同人屬余寫春草圖題各詩於後殿以拙句

磬室居貧已習常窗前憐得一叢芳暖花幽院觀生意翠雨
疏簾挹細香花憶黃陵湖廟冷燕過朱雀野橋荒年光撩亂
春痕裏愁殺含毫寫夕陽

許王勳

字銘太號秋沙嘉善恩貢著崇蘭墅詩草

舊雨集秋沙和易外標稜角內抱敦友誼工詞賦年
少卽名布禾中所築崇蘭墅疊石蒔花極園林之勝

泉南山人海上觀潮圖

東南盤海角蜃氣散樓臺客自雲閒至潮從島外來網魚歸竹簾跨鶴思蓬萊塘上吟成後元虛作賦才

胡

榛

字麓瞻石門人

和漁洋秋柳

錄一

水郭荒涼欲斷魂當年淡泊映柴門風前婀娜聲如訴月下蕭疏瘦有痕收馬思羣嘶古渡寒蟬感舊咽孤村韶華心緒同搖落漫把榮枯仔細論

胡正基

字岫青號巽泉平湖歲貢著瑤潭詩賸四卷

黃安博曰先生與弟雲仲明經掉鞅文壇負二難之目卜居老屋之西名瑤潭書塾庭有綠萼一本春風始扇苞含香襲吟哦其下鬚眉皆綠乙亥年六十八卒是歲元旦肅衣冠筮於神得不吉兆曰辰絕於亥其羸豕踰躅乎純陽用事吾不免矣至是果驗生平書法率更令詩則於唐宗香山於宋宗石湖誠齋

鐵槍歌

并序

嘉慶丁巳二月黔省狝苗攻關嶺糧臺黎平經歷陸
君光濂堵禦援絕臨危授命將鐵槍付僕德耀曰持
往軍前槍歸卽我歸也越數日有得其屍於深塹中
者面目如生遂殯於貴州省城南諸葛武侯祠其子
桓在籍聞訃卽於是秋前往扶櫬至戊午夏抵里并
奉鐵槍以歸因作歌以哀之

鐵槍歸鐵槍歸兮人不歸槍本經歷手中物用以殺賊如點
筆關索嶺雲接烽煙狝苗蟻集盈萬千死守糧臺誓報國挺
槍一呼率眾先相距七晝夜殺傷互枕藉力盡無援兵慷慨
氣不下回顧殘卒有幾人木石又戕我同寅仁和沈化楠可憐子
立難轉鬪擲槍付僕甘殞身僕負此槍報大府懸賞求屍幸
未腐僵臥山坳深塹中尙握空拳鬚奮怒寂寞城南武侯祠

一棺誰奠酒一卮誰何記室今安之有子閒關冒鋒鏑見槍
大慟幾欲絕入千里路槍同挈六月歸舟抵漢塘鐵槍紅纓
風飄揚嗚呼柩歸槍亦歸槍歸誰云人不歸

溫

純字一齋號春涓烏程廩貢官處州訓導
純著墨妙樓詩稿蓬萊游草括州游草

梁同書傳畧一齋博涉經史講業外好與朋輩論詩並
善書畫凡殿茵所經恆橐筆寫之尤工篆刻所居曰墨
妙樓藏弄名人墨蹟精拓碑版及金石圖史閒窗靜對與古爲徒
阮元姜忠肅祠記象山縣學舊有忠肅祠爲宗肅長子
縣令姜斯奉敕所建厥後不戒于火嘉慶壬戌署訓導
溫純率諸生釐其地築而新之

游三巖

朝登白雲山暮復游三巖遇勝輒相訪一度一躋攀入門見
高樹擎雲逾千年行行通約略奇絕山雕劊三洞深而窈誰
與鑿空嵌中有瀑布飛如劍躍新函灑珠激怒石池水鳴漉

潺晴天雨不絕沛然瀉松杉丹泉與定泉一一皆仙關題名
辨兩宋剝蝕生苔斑有如飛來峰玲瓏插雲煙有如鍊丹屋
裊裊藤蘿懸括蒼多名勝此境迥非凡歸來記所歷清興猶
陶然

蓮花莊尋趙承旨鷗波亭故址

面面芙蓉景最幽林塘誰訪舊風流蓮峰一朵廉纖雨品石
三稜黯淡秋古碣有人摹畫竹荒亭何處問閒鷗青山紅樹
依稀在忍向瓜田說故侯

吳

霖字以潤號中若長興歲貢
著中若詩藁中若兩治編

縣志霖家貧苦志力學閉
戶著書鶉衣疏食晏如也

集雲寺

鐘磬有清音山深雲更深慈雲緣底集出岫本無心

徐錫珪

字敬甫號悔庵詩鈔

董瀾傳畧錫珪幼時祖以老鰥臥病父亦喪偶錫珪課

章句畢卽奉侍其祖雖中常廁廁必親滌之夜則朗誦

達旦年弱冠受業於蔣學

鄭喬遷傳畧錫珪性謹厚和易讀書至老益勤好表章

前輩獎掖後進嘗求得王應麟遺像約同人勸建深甯

祠摹其象而祀之訓子弟先經後史務爲實學

恥剽竊剿襲以欺世盜名故其成就多可傳者

隔湖望水鄉二首

君行月湖西湖光涵空碧我立月湖東湖風清雙腋臨流聊

自娛笑溯流脈脈湛然見兩心煙波不能隔

孤雲澹將歸暝鳥去無迹遠望不可期回步暢所適知君波

上樓藜火擁圖籍我行久留連月上湖心白

青霜引書先霜皋先生負薪詩後

清吟不絕論者多以詩肖其人爲能寓耿介於涵蘊中云

先生以諸生爲魯王監紀事後沈隱終身

青霜凝秋被隴阪美人悲吟惜時晚天寒不爨出負薪約束
貞心寄清婉日斜忽抱冬青枝空山無人雙淚垂歸來踽踽
霜穿屨此樹恐無開花時援琴自作貞女引含蘊風情殊未
盡猶有餘音我續彈涼階落月弔荒蚓

阿育王寺晉松

來訪盱江十二詩育王靈蹟半傳疑見空塔影無迦葉吼地
松聲尙義熙生意盤盤看未已山門落落獨能奇如何舍利
翻邀重是松俗稱放光松誤以舍利得名忘卻名藍仗汝持

二靈山訪陳文介公墓

如此山靈與水靈固宜文介此居停煙濤終古環三面風雨
當年守四經黼座衣裾驚宦寺明州人物重熙甯一抔荒土
愁將沒欲采溪毛薦墓庭文介卽葬此山徧訪得之僅一荒邱

由二靈放舟至月波亭

揚舲西北渚十里月波樓雲水書堂香煙霞洞府留荒殘餘
古蹟酣嘯倚中流日色隱將暮洄沿未肯休

柯振嶽

字霽青號訥齋慈谿貢生侯選教諭著蘭雪集

谿上詩輯山陽王瑟庵先生序蘭雪集謂其文峭拔道
上史論諸篇縱橫踔厲尤爲離絕眾致稱許獨至意謂
文勝於詩也然其詩亦馴雅可誦

讀國風

唐棣解未思素絢識禮後有意無意閒妙悟難授受旁通信
可參時世詎容苟雅頌尙鋪張義顯不憂鄙國風主譎諫比
興無科曰自非大小序通人亦束手毛鄭及孔疏仰若山與
斗鄭樵生也晚私智力攻掊一唱而百和塗澤雜妍醜但涉
男女詞概出淫奔口安得起詩人一一爲之剖

讀董江都傳

勲業遇一時道義開千古天生董江都卓哉孔孟輔漢承秦
火後黃老紛難數家令導申韓平津等賈豎不知功利非六
經皆灰土煌煌天人策霹靂驚聾瞽上下千百年在唐惟韓
愈程朱宋大儒亦云踵其武借問列皋夔何似參鄒魯

豐城劍

寶劍鑄自歐冶子天地百靈供驅使龍身暫藏非偶然虎氣
上騰敢逼視何來拂拭雷與張芙蓉始出水溢塘五夜匣吟
泣鬼魅六月鉞寒飛雪霜楚王一揮卻晉鄭張公倒持授梟
獍宰割曾無寸鐵功禮貌空誇珠玉盛雙龍飛入延平津不
爲人用乃神至今歲旱作霖雨歎昔豐城委路塵

王樹棠

原名潮號春霖山陰
廩貢署嚴州教授

送越守百至齋先生善罷郡入都集唐

時尋仙路向瀛洲姚合金勒銀鞍控紫駟崔液一郡清廉賢父母

顧仁至今鄉士盡風流李遠

莫向春風唱鷓鴣鄭谷風光不稱白髭鬚白居易勸君更盡一杯

酒王維越國山川看漸無孫逖

翁忠錫號小鳳元圻子餘姚廩貢著脩然自得廬詩存二卷

宗稷辰序略稷辰館龍泉山丈每籃輿來山館至山下輒止拾級上磴道數十層不以爲勞蓋山有邑先正祠

宇不敢以輿代步又山勢陡削昇者必喘汗故不忍也

朱蘭序略先生詩和平樂易宛肖其人

再遊斷山寺贈毓清上人

幻堂最清雅不與俗僧同坐石話來去談經解色空澄心觀

止水縱日送飛鴻已得無絃趣何須百納桐

丁酉二月初三日起偶成

梅花未落山茶開一庭花事春風催春風多情莫歸去我將
酬爾三百杯

誌感

種竹已規園隙地買書猶費俸餘金

先大
夫句

六年纔享歸田福

一飯長存報

國心時展遺編香在手每嘗春筍淚沾襟莫忘片紙先人澤
補與兒曹細細吟

題朱煥如行看子

問水尋山別有情得逢閒日且閒行歸途莫恨斜陽速自有
霜蹶趁月明

沈河斗

字漢階臨
海歲貢

定香亭筆談余在浙招諸生之通經者三十餘人編輯
經籍纂訪一百六卷黃巖施彬臨海則洪頤煊洪震煊
沈河斗也

郭石齋老友 協寅 讀書石龍菴詩以訊之

苔嶂霏青靄書堂隱石龍隔溪新水漲一徑綠雲重攷古蒐
羅富談心意氣濃禪房好花木何日慰離悰

邵聲芳 字正言號勿齋金華諸生

種蘭篇

物各有本性道貴率其真青青空谷蘭藹藹迎芳春移植向
庭階日與幽客鄰微雨從東來香氣襲衣巾既自欣內美願
告同心人託根幸得地灌溉須及辰

夏

淮 字肇平建德廩貢官餘姚訓導著留畊集

縣志淮在餘姚訓士有法貧者恤以膏火鄉先達邵瑛見其文有國士之目卒後戚哭以詩

村居

畢竟村居好蕭然無一塵穿庭泉沁石繞屋樹留春野老能知禮山花也媚人希夷有真意可是葛天民

高

灃

字春涵號楚帆永嘉諸生

朱壽保曰春涵詩工溫李體與兄博泉名相埒有雙丁二陸之目同時與趙灌松邵月波結社唱和其擬李義山無題五首丰韻天然極爲濯松所推許

擬溫飛卿楊柳枝詞次元韻

錄四

句引東風碧玉條盈盈妬殺女兒腰江南二月春如畫綠到蕪城第幾橋

繁華一片夕陽西掩映龍舟達汴堤千古風流隋大業銷魂賸有草萋萋

滿眼粼粼色鏤金黃鷗不惜送清音相逢莫怪垂絲弱曾繫

章臺別後心

北部窮陰雨雪頻，邏婆川外少游人。祇餘婀娜千條綫，歲歲

飛花送好春。

吐番地寒，所部邏婆川，惟有楊柳，更無草木。

無題五首次李義山韻錄二

楊柳毵毵颭晚風，簾櫳隱約認西東。巫山十二行雲繞弱水，三千駕鶴通玉臂。守宮沙印紫金盤，骰子豆嵌紅短牆。花動鄰雞唱泥拔，鸞釵錄鬢蓬蓬。

油碧尋春著意來，鱗鱗旋聽去如雷。彭郎舊恨留山在，漢女游蹤解珮回。入眼錦鞵溫尉賦，移情綠綺馬卿才。溫存一炷金爐火，心字長燒未肯灰。

葉嘉綸

字秀林，號貧林，平陽恩貢，著貧林詩鈔。

吳承志曰：貧林，篤學好著述，有經說、史考、文集、雜著二十餘種，詳具學士孫緒鳴所爲家傳詩集。凡四種，曰尚

志堂稟曰舞鶴閒吟曰臥游百詠曰仰止集約三百餘
首生平服膺史氏管窺故詩派亦與濂洛風雅相近尙
志堂稟中有述異一首云稽古謝博學心得守
厥初執筆謝多文陳言務芟鋤卽自道之語也

哀蟠木

豫章翻風動白日拔地參天扶大力十年種樹勢凌雲良材
本具非凡質可歎人世爭獻奇屈曲盤旋節與枝委蛇偃仰
失故態蓬勃蔥龍無見期我思人生本自直罔也幸免良可
哀明堂清廟空相待梁棟之任安在哉木耶人耶兩歎息大
造尾運何由開君不見申甫之柏徂徠松龍門高出百尺桐
又不見吳都平仲與君遷漢陽綠樹鎖晴煙喬木陰陰幾百
年

秋興二首

錄一

秋來無一事入戶氣蕭森潭影逾時淨蟬聲何處尋孤峰虛

夜月空谷澹疏林當路誰知我長懷萬古心

陳文述

原名文杰字倚甫號雲伯又號退庵錢塘人嘉慶庚申舉人官安徽全椒知縣著碧城仙館詩鈔頤

道堂集殊陵集西泠懷古集仙詠閨詠碧城詩髓

王豫序略雲伯宰邗江日敬刊

武英殿本

聖諭廣訓重興講會風氣一變重修揚州

國文廟並建十二烈女祠于學宮之左皆初殉難者開伊婁河故道免渡江風濤之苦民感其惠

名曰陳公河嘗游焦山擬築樓雲閣於漢隱庵西其惠

政高致多類此

曾煥序略雲伯之詩百川合流

成此浩瀚神劍千辟喻其精能

楊芳燦曰雲伯負伉爽之才為博通

之學所作如雕雲五色儀鳳八音

鐵保曰雲伯專工西崑體

博雅壯麗極似吳梅村

仿宋畫院製團扇

江南三月春風歇櫻桃花底鶯聲滑合歡團扇翦輕紈分明

采得天邊月南渡丹青待詔多傳聞舊譜出宣和入懷休說
班姬怨羞見曾憐晉女歌班姬晉女今何有攜來合付纖纖
手闌前撲蜨影香遲花閒障面徘徊久樓臺花鳥院中春馬
畫楊題竟逼真歌得合歡詞一曲祇應留贈合歡人

觀英吉利國入貢

絕域荷蘭外重溟指大荒一鍼天北極萬里海西洋但許瞻
金爵休言貢白狼

聖朝輕異物珍御卻遐方

雲臺師以少司農撫浙設詁經精舍於西湖招兩浙經
生讀書其中用昌黎薦士詩韻

高詞媲邱墳古訓摹典誥作者三代上精力靡不到秦設博
士官漢有經師號匯歸左海淵疏瀹先河導石渠論通德禮

堂森節操聿從漢學衰漸見元氣耗讀書失師承稽古昧堂
奧文囿梟雉竄書林蝸蟬噪史旣虞隱竊注亦郭象盜先生
淮海儒中和應履蹈鐘鼓啟顓蒙規矩囿頑暴金石羅九宅
碑版照四墀識緯闢京費韜鈴陋恬驚經術與人材此外非
篤好八代志扶衰一手力排鼻譬若灝江漢曾不鄙行潦立
德兼立言不在務施報前年課浙士絕學肇裨竈銅行練愈
精金篦刮無眊天憐韓愈窮鬼卻鄧颺躁孔詢項橐幼晁訪
伏勝耄易陋王弼疎書斥張霸冒亭林與竹垞相視息譏傲
浙士始嚮學此力同再造

帝命開府來薊漢天所燾湖山半梵唄敝俗中心悼關佛卻
緇素養士美纁縞馬帳生徒親鹿洞規條告大儒擁皋比諸
生來席帽經士與文人相見若姻嫪前楹祀許鄭春秋蘋藻

芑大國雄齊晉小邦媿邾郛陶鑄羅鼎鬲齊量同璋珎達莊
咸合軌壇站各樹纛名山與大科悠久心所禱培養蔚隆棟
恩誼深保菹膏火資南油廩給分北漕志勵明經明唱息悞
儂悞幸託戴崇近聊爲展喜犒更登第一樓載酒相慰勞

無字碑在登封臺下一曰石表顧亭林定爲漢元封年

所立石

秦碑在世世屢見會稽鄒嶧及岱宗詩書盡燔儒盡坑乃以
文字驚愚蒙登封臺下古石表碑材特立青芙蓉雖無銘識
少歲月考史知是元封封是年三月至海上先期立石煩人
工四月登降事封禪射牛行事明肅雍但言立石不言刻遷
紀范志咸從同碑高三丈上有蓋或云金繩玉檢藏其中百
神呵護萬鬼守動之輒與風雷逢此言荒渺不可信但見四

面瑩澤如璇璫或云相如已死豈未出海內無筆鐫鴻濛不
然何以留此一疑不可破遂令萬世如盲龔琅邪碑式吾未
見聞與此石同磨龔碧霞東廡舊秦刻劫灰惜已消祝融秦
碑有字則可信尙有摹本傳無窮曾洪歐趙言盡讐論古吾
愛亭林翁

阿蘊曲和趙璞函姬隅集中作

東市花幢梵聲起馬蹏逸矣平章死千秋遺恨泣韶顏一片
清冷橋下水段家九葉擅雄才親爲梁王百戰來已見紅軍
歸蜀道俄聞玉女降秦臺秦臺明月夜當午燭暗雙花聞笑
語蒼山嵐暖鬱朝雲洱海波春蒸暮雨雨雲暮暮復朝朝翠
被濃香夢不消甲帳健兒橫鐵篴丁簾侍女按瑤簫甲帳丁
簾行樂地魚腹有人傳錦字鴛鴦獨宿亦無憀屏帷春雨悲

捐棄七星關外認歸程舊侶難忘故劍情孤坐肉屏聽鐵立
果然小別抵三生碧雞金馬無傳箭重來祇爲新婚戀方幸
蛾眉百歲齊誰知雀膽中宵變願共雙飛返故林夜深苦口
說丁寧可憐兒女更番勸爭奈英雄不肯聽來朝聞變驚魂
碎黃泉雖誓身難代佛塔煙中哭鬼雄蠟磯心事真無奈雲
片波潏弔影孤雁門夢斷泣嗚嗚從臣更惜楊淵海靈草難
尋押不蘆西師重襲仍難制呼救空勞走書幣虎子難堪此
日言狙公應悔當年計已卜天心眷建康眼看走死笑梁王
菜坪華岫知何處春草殘基弔夕陽玉案山平險難控花暗
銀稜亦如夢南征望重潁川侯不容故事依唐宋祇有僧奴
志不移復仇心事託題詩至今金齒江山外尙有烏蠻說繡
旗

朝鮮書記李光稷以詩見貽署其籍曰廣陵蓋其國亦有揚州也因題一絕贈之

雲接扶桑萬里秋今從海外識揚州
吟邊觸我江南夢三月煙花是舊游

題朝鮮使臣樸齊家貞蕤稿略

能達藩侯翊戴誠雁程來往片雲輕
中朝人物都相識東國聲詩舊擅名
鴨綠江寒秋水闊龍灣館近月華明
卷中宵雅真堪肄四牡皇華過一生

稿略爲家仲魚徵士所刊

厲樊榭墓

古月幽花筆一枝此才應不讓微之
西泠煙雨銷魂地南渡樓臺絕妙詞
紅豆易迷山鬼夢白蘋誰薦水仙祠
茗姬埋玉憐同穴擬種寒梅與賦詩

黃陶庵先生祠

百年海內誦高文兄弟同爲死節臣與弟淵羅同死立品原從讀書
出盡忠何必受恩身鍾周末路知難見陳夏前頭好結鄰今
日此邦來守土荒祠親與薦蘋蘋

鄂羅斯鐵碗行

鄂羅斯乃在伊犁之西蒙古之北其國界廓爾喀其名稱唐
古忒其民精巧善鼓鑄其利山川富金鐵張君貽我鐵一鼓
中有盤匱及鸞鷟留犁撓酒何足奇玉匣出陵無此古問君
此器何所售西洋艘牒萬斛舟中間祇隔控噶爾迺知瀛波
大地同一毬我師昔年下青海遠訪銅城歷年載龍節假道
過女國曾涉河源學章亥罪人斯得皆俸臣止戈罷戰
天皇仁至今甌脫卡倫外三萬餘里無風塵

本朝功烈威傳箭四夷胥隸理藩院唐古忒字設經生旁行
斜上吾親見昔年遠作灤河遊山莊萬樹風雲秋廓爾喀部
重譯至

帳殿錫宴瞻旂旂讌客秋堂列官燭彷彿蒲桃醉邊曲題詩
好賦大食寶貢珍不羨溫都玉

題顧亭林先生像

一代遺民錄千秋王佐才管甯浮海去伏勝授經來忠孝平
生志滄桑故國哀卽今圖畫裏冰雪仰風裁

書藏

又闢藏書地樓臺涌刹那鶴銘移楮墨
余擬摹陸鶴銘焦山書藏四字爲額焦字
以樵字之龍藏共烟蘿流派江河遠叢殘歲月多西湖靈隱

寺七錄憶卷阿

靈隱書藏亦師所建

蘭陵弔洪稚存先生

傳來消息淚闌珊老輩凋零眾所歎獨行早年傳夏統高名
晚節重袁安不忘死友心期古曾勸諸王學術端從古忠臣
須孝子授經風雪草堂寒

沽名何事說紛紛畢竟孤臣孰與羣生策治安惟賈誼死官
諫議是劉蕡古人已往今誰匹王佐之才僅見君聞道
至尊留乙覽少牢他日記應聞

琅嬛仙館所藏漢李廣銅印歌

嗚呼飛將軍數奇不封侯結髮大小七十戰惟餘一印千秋
留將軍起家良家子得士能令士心死無雙才氣泣公孫刁
斗行軍安足比雁門秋老生邊塵將軍此印應隨身篆紋劃
斷瀚海雪虹光透出天山雲紅沫稜稜土花暈定爲將兵作

符信謝罪曾鈐幕府書酬功誰授梁王印我思漢文恭儉稱
賢主禁中頗牧思良輔賈生不相廣不封縱遇高皇亦何補
又聞武帝恢雄圖丁零鄯善開邊隅但以私親封衛霍不使
名將當單于老去藍田甘棄置東道行師復何意一代威名
右北平但留虎紐旁邊字銅花不覺摩挲久當年曾綰英雄
手志士成功自古難庸夫獲福從來有君不見李蔡爲人居
下中肘後黃金大如斗

于忠肅公手書楚辭天問卷

卷爲仁和潘企曾所藏公自署正統癸亥時王振勢

熾邊患日急後五年乃有土木之變

天問問天誰所作憔悴靈均歌當哭對者昔有柳宗元書之
今見于忠肅書當正統癸亥年陽德方亨陰已伏九重營度
無深慮痛甚湘纍悲竄逐纔看奄黨肆宮庭旋見風霾陷土

木北狩黃塵阻蹕途南遷白面私鄉曲賴有忠臣任仔肩力
排眾議扶坤軸夙夜支持宗社安經年壁畫鑒興復南城倘
率百官朝東宮不改前星卜定知海宇頌神聖長見天家美
雍睦肇衅無端詔易儲從此隱憂生骨肉姦臣已叩禁門開
君王猶在齋宮宿居然擁戴詡奇功竟使忠良蒙顯戮金牌
曾否出深宮兩字冤同三字獄赤手丹心萬古祠青山白骨
三台麓君不見泰伯遜荆蠻墨胎遜孤竹周公賦常華漢家
謠斗粟元武兵驚門外塵金匱盟寒殿中燭與人家國最艱
辛容易猜嫌生手足謀國謀身兩不全千古忠臣同一局搔
首蒼茫百感生琳琅鐫刻珍都穆錢塘江上夜潮來我欲招
魂書宋玉

雲臺師撫浙浚湖積葑數十畝人呼曰阮公墩擬種樹

建亭勒碑其上媿美蘇公之隄作此以寄同志

幾番水底卷雲根煙外蘇隄合並論此地倘栽陶令柳佗年
應比謝公墩廣陵花發懷仙館粵海潮回靖戟門同是春風
舊桃李好尋遺址護蘭蓀

贈吳澹川

文溥

馬首秦關雪樓船大海風平生奇絕處都在一編中草檄驚
戎幕橫刀揖上公歸來何所適湘漢待征篷

鐵笛

梅花飛出仙雲黑不鑄鐵簫鑄鐵笛元冰一握朱脣寒青天
吹作芙蓉色螺文百結螺花鋪秋星厯厯排明珠昆吾夜斷
瘦蛟脊誰與作者來南圖我聞中郎舊截柯亭竹甯王醉弄
唐宮玉秦庫招華不可尋唐家玳瑁今誰屬尺八何如鐵鑄

成水仙夜舞雌鳳鳴江城楊柳不堪折倚樓愁聽關山聲草
堂夜雨開金粟淚痕恍盡湘江綠鐵厓曾賦治師行玉山誰
奏花游曲八月秋風下洞庭魚龍夜伏暮山青鐵心譜出梅
花弄吹與羣仙月下聽

曾行杲

字晴初號東白錢塘人嘉慶庚申舉人

杭郡詩三輯東白性端慤不苟語言遲鈍爲文獨圓暢
堅勁無妍媚飄飄之習持論峻厲少許可所居蔽廬敲
側雨雪穿漏而東白聳肩仰屋梁泊如也同榜陳閣部
爲道地于郡守聘之謝不赴卒年六十九弟子陳卓廬
壙銘其墓曰目瞿瞿口呿呿臥遽遽覺于甯拘拘而
迂毋踰踰而諛甯姪姪而臞毋咩咩而腴今豈有是人
歟噫嘻吁

題黃生

楷

秋巖詩存

讀罷遺編淚不禁黯然如見故人心箇中強半思親意不是
風雲月露吟

瀛臺不赴赴泉臺空負平生卓越才此日修文歸地下落霞

秋水更誰裁

金衍宗

字岱峯秀水人嘉慶庚申舉人官溫州教

府志衍宗謁隱芻言思貽堂詩文稿十二卷

文

武廟不祭後殿議增如制復奉祀許鄭二儒栗主於倉

聖祠與錢泰吉議論儒悲不得從祀往復干言考核典

禮實事求是區地近海勸建義倉積穀至數萬石髮逆

圍城賴以濟餉郡人德之咸豐甲寅重游泮宮乞歸已

未重赴鹿鳴蚤歲噪詩名以銀河篇見賞于學

使阮元晚自哀輯詩文稿及尊經閣祀典錄

洽廬雜識岱峯詩沈著清老無描頭畫角習氣其木瓜

詩二首理真詞雋不落賦物家窠臼又夢從軍作氣格

高爽雅

近中唐

木瓜

梨一益百損楸一損百益所以古之人投之俾有獲苞苴之
禮行豈日報可責幡幡者惟瓠莢莢者有帛承筐亦幾何要

在情不隔能令受者心生死感其德瓊琚於木瓜奚啻過什
百敢曰報禮然期以身許國聊比玉之華貢此一心赤
萬物無貴賤見用則皆珍一物適一用致用則在人望梅可
蠲渴呼楸能緩筋格物得其理取效疑於神物理有相感何
況人心眞

嘉平初移居司諭署用田山薑移居詩韻

破書敗絮堆盈車錦城七載三移家敢嫌卑棲辱鸞鳳差喜
野性安麝麝略除灌莽蔽風雨吏人不到猶稱衙窗紙新糊
壁塵埽女桑禿立叢篁斜古梅甘蕉各左右位置冬夏天然
花辭巢幾經送秋燕繞樹自笑偎寒鴉茅檐曝日面山坐勝
聽官鼓瑟瑟搥未妨衰老蟹麤糲况復淳朴追羲媧

餘杭高孺人節孝爲令子吳述葦茂才

彝作

大母卅年撫藐孤

謂君大母宇文孺人

子未生孫子先死呱呱遺腹塊

肉是

君父嫂十四日遺腹生君

再世嫠憂延一祀母代子職從此始仰事

俯育母天只畫荻折蓼痛裂指教誨孤兒成杞梓孤兒成名

惟母恃養以白華當甘旨斑衣五色爛金紫母也食報娛暮

齒繞膝含飴多受祉懷清臺高照茗水兩拜

旌門耀閭里

君大母母皆旌節

寸草春暉感母氏續訓留題圖一紙

君繪續訓圖記母德

哀哀節母類若此傳不傳則視其子顯揚不以科

目止貽親令名兒自矢庶兒青雲母彤史嗚呼宗亦節孝兒

先嗣母姚孺人撫宗廿五年

非有見焉爲母恥

咸豐九年己未

恩科九月旣望重宴鹿鳴感賦

遠數乾隆己未年詩翁重許賦賓筵時多屬和推宗伯

乾隆四年

己未恩科趙宮贊執信重宴沈文懋贈詩有後先己未亦齊年句我未成名媿眾仙幸忝

恩榮于耄及可知科目以人傳不癡尚有臣家叔先後行藏

其一宗同榜稚鴻季父司訓象山乞歸前卒瓊

百年門第幾簪紳承啟仔肩勉此身

昭代學崇詒訓實吾家詩貴性靈真紛華便極新翻樣大雅

終歸老斲輪謂開墨各擬程記得師門諄切語神明經術筆如神宗少

從沈吏部雙湖師游首以箋鄭諱朱暨讀歸靖亭文為助

費端號循陔烏程人嘉慶庚申舉人官新城教諭

官渡在中牟縣屬開封府東經陽武南為官渡即鴻溝

北行寒早怯霜風河畫東西古渡通襟控燕齊山縹緲氣函

關陝樹空濛兵爭楚漢中分界霸業袁曹並世雄地利由來

爭逐鹿春犁遺鏃土花紅

嚴可均

字景文號鐵橋烏程人嘉慶庚申

縣志可均博聞強識精考據之學歷受歸安姚文田陽湖孫星衍校書之聘著書等身有說文校議唐石經校

文等

嚴章福序略伯兄詩不徇時好

文從數萬卷故書中鉤索得來

緝雅堂詩話鐵橋嚴氏所輯上古三代秦漢三國六朝

全文至三千餘家往年曾觀目錄近廣州書局刻本將

成真文至三千餘家往年曾觀目錄近廣州書局刻本將

家先後重刻吳興山墟名近人有補輯本當稍詳也

許淮祥曰鐵橋先生治說文海內最仰著作等身有四

錄堂類集七十二種工秦篆補完瑯琊臺石刻泰山石

刻藝林寶貴先府君與締交商推獎錄說文類攷等稟本

嘗以說文校議說文訂訂舊說文錄說文類攷等稟本

見贈咸豐間寇至府君流離轉徙猶攜之出

至今尚存其訂訂一種已聚入許學叢刻

雜詩

腐儒喜談古古事茫昧閒目遇猶難恃何況共和前蚩尤相

黃帝涿鹿啟兵端羽淵旣方命郊配四百年湯武同時起中

分天下難武庚成亦賢少康敗亦頑人事或翻覆予奪天無權萬古同此天尺喙將何言

江浙田賦重東南民力殫尤重者四邑江震與程安野人納倉米歸來各悲歎終歲常勤動合家仍飢寒如聞八省漕輕重絕相懸王道無黨偏四邑民獨艱我云否不然昔在宋明年有官田籍沒租額若天淵減之再三減四則以相權承流率浮濫什一二之間官家但什一何異殷周前徒以承平久百爲費漸繁量入以爲出上下俱安便

黃河天上落如龍性難馴自從開闢來爲害中國頻徙之行塞外中外長不貧崇伯無遠略功臯集一身堯或誤用人舜乃誅不仁顧非盜息壤神禹難爲神後世治河者猶夏道是循蘆灰能遏水下哨隨河新旣免妨漕運復不病居民歲糜

萬億緡隄塞陳陳因因害以爲利汎工問河臣

楊周二子墓下作寄懷王山人

侵晨攜斗酒流眺城南隅碧波帶長麓寒光清有餘羣鴉一
以噪纍纍多邱墟念彼地下人生前良我徒楊子雕龍手周
生野鶴如飄飄兩詞客長伴孫太初流行在大化一去無賢
愚寥寥四五子後死爾與余感此一相酌沈吟立斯須

睦州大水湯游擊

貽汾

馳書存問爲詩寄答

敢言建德非吾土無那千峯寄一身薄宦豈堪多病後省災
重荷尺書頻將軍禮數寬依舊苦薛輪回劫簇新賴得二三
賢大府此閒實有再生人

楓涇舟夜

小小楓涇市遙遙賣酒家卸帆潮正落對岸月初斜櫓急無

全夢鐙昏有落花因悲舊少重憶邵平瓜

庚申夏夕臥病有作

孤鐙黯黯柝聲頻板榻支離臥病身夢入鄭隍無覆鹿貧來
滄海有枯鱗青衫十九年中淚白髮三千里外親去住兩難
都負負莫將造命問洪鈞

金大令宅賞菊次韻

天許金英殿眾芳移來點綴到琴堂幾莖濃澹自秋色一種
清高非儉妝弄影鐙前微露骨寄人籬下要留香年時笑口
開難得今夕應須數舉觴

行贛江半月乃度彭蠡望見廬山有作

迢迢河漢水我行多滯霍忽見廬山面悠思洞壑深斷虹收
宿雨飛瀑界秋林擊楫自高詠匡君知此心

余于壬戌踰嶺有羅浮之約既而以兵事不果游今閱

山志神思飛越作七律一章索同志者和之

鐵橋未登鐵橋峯

羅浮有鐵橋峯

鐵橋何爲來粵東仙人雲端拍手

笑我輩地上可憐蟲萬里崎嶇涉瘴癘一編豁達開心胸會

須傳語大胡蜨明月揚帆度石龍

明月見左氏傳遊羅浮者皆取道博羅縣而山志以

爲石龍鎮有小河可逕達山麓

自天津之德州巡漕使者葉琴柯以詩贈行作此寄答

積葉滿庭院津門秋已深故人憐小別爲我發清吟古意結

眞契疏砧催客心登車更回首天末孰知音

已被儒冠誤重教汗漫遊天空一雁下風急九河流歧路斷

鄉信暮烟縈客愁前行安所託敝刺怯輕投

孫東暘

字愚谷號曼士長興人嘉慶庚申舉人官廣東徐聞知縣

縣志東陽善吟咏載酒徵歌風流自賞去官
後卒于寓所垂橐無餘資時人重其清操

白蘋洲懷柳文暢

秋風吹白蘋孤芳怨遙碧水與秋花深情何脈脈八月洞
庭波臨風憶歸客不見六朝人月落前汀白

吳

榮

字鍾華號欣齋長興人嘉慶庚申舉
人官麗水教諭著莊松坪詩五卷

縣志榮幼穎異性曠達不屑
屑家人生產詩文高古樸老

登碧巖用東坡法華山韻

危崖翠斷飛流界九天翻落銀河派雲根劈裂走羣蛇瞥眼
何論奔馬快客遊到此清道心絕壁倚筇聽砢砢大山宮小
隱招提古佛凝塵鎖幽隘髯翁摩崖猶髣髴犖确千年尻不
壞曉雲洞出集鴉鼠夜雨山空伴荒怪竭來洗鉢覓龍子廩
粟不受春陽曬老僧行汲供伊蒲野菽雜芼蔥與薤更教禪

悅參玉版長鑱撥根吾有械微醺吟嘯撫枯木碧髮蒙茸生
癯疥不辭登頓恣窮探償取三生行腳債

詠古

六經秦火餘至漢漸流播師說門戶分此微異彼故荒冢敗
壁閒風雨半朽蠹蝌斗學不傳知者或難悟所以經典文疑
義紛無數要在觀其通慎毋失之固陋哉經生家硜硜守章
句翻案作敵攻耳食又景附附會穿鑿談多方益其誤

博學必明辨多聞仍闕疑斯言若相左實則途非歧器數無
可證識之資考稽義理務求精析之窮毫釐舍理逐器數紛
紛亦奚爲尊罍圖其狀裼襲爭其儀後息居然勝或者仍失
之古人如可作相對一解頤

李斯相秦國非也斃於獄龐涓將魏兵牘也失其足緬彼交

遊初歡然號同學苟爲行路人未必肆其毒惟其知之深是以陷之速

嬴秦事督責禁令猛於虎挾書法必誅況乃開冊府豈知編削才近集丞相呂八覽十二紀冠絕著作伍公然懸國門未聞攫罪罟千秋不朽業首歸陽翟賈

屬文視取材典籍爲淵藪傾液漱其芳如味之於口饜飫千人甘遺餉百世久陋彼操觚士帖括效墨守聚成一邱貉賤等續貂狗水泉釀糟粕其中豈有酒

沈嘉春

字王海德清人嘉慶庚申舉人官處州教授著觴霞樓詩文鈔

許正綬曰王海好學老而彌篤尤精醫理著有醫學源流桑梓叢談均未梓行詩文亦多散佚

題嚴愛鴻遊端州七星巖圖

北斗高麗天攀陟不可想墮地成孤峯天然仙境儼我友今

客星探幽慨以慷翠黛掃晴空出郭恣幽賞愈行山愈奇態
狀驚矚仰或懸金鐘鳴或扣石鼓響或矯如鴻鵠或蹲如龍
象峭立望天門天門詆蕩蕩奮臂能翔虛猿鳥同一上雲盪
杜陵胸風裂王恭肇躋巔造其極俯視但莽莽我亦耽煙霞
兩屐蠟疇曩倒躡天姥梯橫跨仙人杖奇險斷游蹤攜筇輒
孤往竭來返蝸居縮繭殊悵惘復慕宗少文高臥掩蘿幌羨
君粵嶠游臨虛絕塵壤手握七星杓珠輝爛盈掌

讀楊忠愍公集

公之身歷萬苦公之氣蓋千古但知君恩高于天不知權姦
殘如虎爲開馬市効賊鸞利害在國臣披肝兩姦相禮一姦
蹙朝旨乃復言者官君恩益深臣益感賊鸞雖誅賊嵩悍誓
將頸血報朝廷恥學寒蟬抱枝餒五奸十惡空上陳奸嵩不

問偏問臣骸筋下垂
瘳肉死張夫人疏亦千祀一朝枷鎖赴
西市都人切齒賊嵩喜
冰山會有消釋時至今婦孺知有賊
嵩之名字

山寺

深山禪院古繞室有煙霞亂竹交幽徑疎松落細花
樵蘇忘世界猿鶴長年華
歸路渾愁遠平林照暮鴉

陳

葵字鐵君會稽人嘉慶庚申舉人
官安徽建德知縣改平陽教諭

分秧詞

山花紅邨樹綠梅雨灑田田
水足樹頭野鳥不住嘯喚起老
農夜來宿老農家在邨南居
手種薄田十畝餘荷鋤負笠出
門早新秧一碧隨煙梳初將犁
杷開繼用烏犍架一株一株
著地分散卻鍼芒填土罅田家
合作丁男多綠楊陰裏來煙

蓑大兒前導小兒後出沒泥淖如衝波年來歲熟官租賤私
囊入手有贏羨催租無吏人不驚生涯爭似農家便分秧分
秧須及時低田先插高田遲轉眼西風稻花放黃雲萬頃堆
茅茨

徐

境

字夢暉號蘊山餘姚人嘉慶庚申舉人
官麗水教諭著歐吟紀事括蒼詩鈔

吳三洲曰蘊山華實並茂有經濟才先權永嘉學篆縣
令以催科故邨氓疑貳致飭戎車君勸諭有方事得解
麗水旱檄委勘災務覆實積
勞受暑疾終於任時共惜之
緝雅堂詩話朱少仙贈公有懷徐夢暉廣文詩云情性
判冷熱結交有始終死生隔幽明此心無異同贈公取
友必端即廣文之
爲人概可見矣

永嘉學舍詠懷

紛紛角逐幾詞壇卅載蓬茅養羽翰國有四民先列士教分
兩席也名官每思學派防流弊爲愛人才結古歡陳葉凋零

前輩盡此生學行可能完

牟

濬

字百峯黃巖人嘉慶庚申舉人著耕讀堂詩鈔

縣志濬磨鄉薦後留京力學爲王偉人曹蓉城二相國所知主講萃華書院十餘年從者咸有成立

咏海螵十六韻

外骨何曾數緣依上海巖旋纏偷額髻圓曆作頭銜處世泥
塗慣防身甲冑嚴只因鮮食可難解老饕饒品豈輸鱗蟹珍
應壓蛤蜊帚麾收傍岸箬裹趁歸帆販豎沿門問清明祭墓
咸沸湯投不顧縮蠶慘非凡出釜防兒攫登盆倩婦監折腰
刀背擊斷尾鐵鉗劓最好調脂燭偏愁乾肉嵌猛呼脣必必
輕捉手摻摻脫殼蛾同色空中鳥不鵠叨陪宜酒醴益味借
辛鹹近市觀頤早裁詩信口詎知君春滿腹草草寄荒緘

任一桂

字叢山永嘉人嘉慶庚申舉人官錢塘教諭

兩折磨肝續錄

卷上十

徐境牟濬任一桂

完

丹徒舟阻

望望疑無路長江尙未通只爭三尺水難借一帆風北固橫
天末東甌入夢中京華何日到翹首羨飛鴻

北道感懷

九十春將半其如客思何鶯花荒驛少風雪異鄉多鹿鹿塵
中夢烏烏酒後歌黃金猶未盡一劍試重磨

任以治

字軒芝蕭山人嘉慶庚申順天舉人教習知縣著
怡山詩文集十六卷及經訓管窺等書十餘種

蘭渚

循流步蘭渚一帶深溪綠隔溪駕板橋雜花映茆屋忽聞笑
語聲兒童敲翠竹

懷李臨江同年

應釗

嵐光撲靜榻竹色淡幽林美人隔天際悠悠勞我心草堂三

徑淺月照一簾深曲罷琴絃絕流泉咽谷音

徐養原

字新田號節庵德清人嘉慶庚申副貢

府志養原年十三隨父官京師從一時名宿於學術源流派別無不曉貫阮元撫浙集羣儒校勘諸經注疏養原任尚書儀禮儀禮錯簡視他經爲多而所校特精爲他人所不及兼通六經古音厯算輿地之學著書二十餘種

定香亭筆談養原乃西瀛編修天柱之子天算之功頗精自言學之二十年矣

曝書雜記嘉慶丁卯李許齋方伯守郡吾禾屬徐君養原校刊盧抱經所校法言李軌注以視秦刻治平監本注文間有異同

緝雅堂詩話節庵所撰儀禮今古文異同疏證條辨款氏之誤甚多可與鶴侶管見并傳真高密功臣也湖州府志藝文目不載若周官故書攷論語魯讀考亦不載其頑石廬經說取錄明堂說井田議諸篇爲之志或分書或漏采未盡詳備也

歸雲庵懷孫太初

空山長寂寞白日掩巖扉憶昔遺世人高風不可幾瓢聲綠境靜鳥意隨雲歸徘徊古祠下結想良依依

秋穫田家雜詩

高原肅秋氣木落丹林空腰鎌向南陌我稼亦已同嚴霜壓新穗偃臥平疇中如雲一朝盡旭日生寒風銍艾遍四野倉箱慰三農耕作豈不勤所穫亦已豐願言栽培力深荷雨露功

先師有遺訓耕養恆相兼三十通一藝所貴在貞廉志士念溝壑達人慕冲恬營競實非素腴胝乃自甘祇愧生計拙薈茶術未諳學稼慙老農魯叟詎虛談逢年會有時天功吾敢貪寄謝長梧子鹵莽慎勿嫌

朝日出門去薄暮采樵歸黃梁閒白黍輕煙起新炊茅檐對

落日墟里靄餘暉租稅輸已畢催科不到扉雞犬授四鄰親戚無相違鄰翁暫邂逅劇談忘是非村醪釀易熟瓶粟可樂飢人生貴知足此外復何希

董生下幃時三年不窺園陶潛好種秫負郭二頃田志趣何必同高風俱千年歲晚一觴進顧影復陶然雖未親六籍得意或忘言讀書務虛名終爲俗慮牽農夫不識字亦以全其天

驅車洛陽道冠蓋相徵逐白馬鳴玉珂朱顏映華轂重門對街起連闥互回複俸給御府錢稟食大官粟坐笑田舍翁徒勞手與足一朝失榮勢甯免鄧通辱歸去來山中秋原稻正熟

平生慕高尚飢驅不能止行行何所之飄搖若萍水行經秦

山阿登高望遠海遠海何茫茫白雲幾千里鴻雁思稻梁遊
子念桑梓場圃喧鳥雀門庭嬉婦子衣食苟麤足安居勝
仕遠行不如歸稅駕從此始

王節婦

天地有正氣女得之爲貞至性與生來不由教誨存貞女
未結所天中道折合登雖虛言施蘿忍遽絕聞喪摧心魂毅
然欲往奔親串駭相告幽獨矢勿諉入門形影隻春炊謀朝
夕孤雛賴恩勤卅載茹荼檠此志倖獲償繞膝已成行含笑
九原去侍我君子旁

旌門豈常例庶幾頽俗勵綽楔象高風亭亭照百世

黃

模

字相圃號書厓錢塘歲貢著壽德堂詩集八卷

府志模詩法沈廷芳吳穎芳諸先輩少時與舒紹言吳錫麒姚思勤項朝綦吳錫麟稱城西六子同賦新年雜

詠徵據賅博可與南宋雜事詩並傳生平淡于榮利奉
諱後不復應舉研精覃思一意著述所著有三家詩補
攷夏小正分箋異義國語補章竹書詳證蜀書箋略武
林先雅皆極精核于詩律最細一時稱模與吳錫麒有
李杜之目

李堯棟序略棟髫年從黃書厓先生授經于閩中官舍
行醇學粹獲與杭堃浦厲樊榭諸老輩游又與龍泓丁
隱君居隔一牆適從甚密其詩
氣格超逸神韻淵永眞詩人也
張雲璈序略書厓先生湛深經術所著夏小正分箋異
義初藁蠶紋細書字篋句櫛不媿說經經經余嘗于吳
穀人司成講
座得親見之

孝陵覽古同馬雨畊 春田 陳秋崖 斯來 敏園 具來

興能捲八荒亾莫保一壟誰與社屋餘不有摸金恐大哉

仁聖朝恤先沛殊寵所以明高皇鍾阜今祠奉客舍過清明

山游羣慙愚出郭兩牛鳴石人路旁拱辟邪臥摧殘華闕斷

臃腫遙瞻瑠瓊瓦尙覺雲霞擁遂渡御溝橋重門達禁甬玉

陸卑高陳螭楯周遭捧四字覆雕檐九閒扶繡棋是曰孝陵
殿栗主瞻雙竦春秋此升香埽除備闕允明樓已倒傾寶城
且內涌隧道不可請嶽立千丈冢同人造其顛云見江濤洶
坐受萬峰朝如集大小珙而我憚陂陲半塗聊息踵然當左
右望百里曠無壅城市處西偏遺民尙留種緬惟卜兆初別
取金湯輦青烏其可憑翠柏日以聳回首宋六陵冬青咽寒
菴

孤山同周亦庵王莘園

學淳作

東風吹客袂動我入山情一路梅花發空亭聞鶴聲雲來深
樹晚雪在晚峰明不見山中士徘徊皓月生

畫松歌贈冉小山

永祚

作鱗之而臂擎空欲雨不雨雲滿峰乍觀天矯勢脫壁我驚

是龍不是松寒梅弄影修竹拜冬日之日檐前挂掀髯一笑
故人來我祇見松不見畫憶入天台向赤城萬年藤畔石梁
橫爲君試進洪厓飯葉裏新香粒粒生

戊寅季冬同吳西林先生

穎芳

倪嘉樹

一擊

舒雨菌

毓

楓

蘇展亭

許堂

陳元山

穉

郁陞宣

禮

厲繡周

志

翬

亦庵

駁發

伯兄蘅洲

杜

觀龍興寺陀羅尼經石幢分

韻得處字

繁雲不能雪臘事紛若絮聊逐鐘聲來果獲清淨處祇園開
蕭梁金地記廣布如何千年逝幾之一錐豎法寶歸瀕洞斷
碣臥蔬圃戔戔古經幢孑立等露柱始覲增雙明摹觀而四
數倒薤侵古薛章草隱寒霧迸裂劫燒餘漫漶積溜淤細讀
乾化鐫言有舍利聚光氣嘗夜騰見者如鵠怖母乃佛力深

天龍煩守護亦信神物藏隱見不可慮吾儕事幽討往往有
別趣僧房聯素襟竹爐湯屢注舊牘認題名前遊幾人署寺
崇禎九年紳士間誰云半日閒聞見良已飫
啟祥等所撰志畧

沈荖園夫子見饌荔支

南中六月暑方盛鑠金炎氣開洪鑪當頂彌天張火繖縮腳
無地逃冰壺亂書圍裏坐愁絕忽馳一介當關呼傾筐磊砢
幾百輩光怪恍見紅綃襦燕支鶴頂何足比妙解雞卵皮栗
麤見文選注銀瓶急汲井花冷賓盤堆疊忙官奴紫膜輕擘冰雪
見女兒十五誇肌膚鮫珠二寸溼有淚乳椒一捻融于酥清
芬撲鼻訝薝澤薰以翰墨香尤殊江鄉避暑聚裙屐屢足瓜
李此品無每羨紅雲開雅宴空憐白傅描成圖拜茲嘉惠何
鄭重請益猶欲來于于蟬聲當戶似嘲笑洒然雨意清風俱

戊戌十一月廿日項秋子

壩

招同盧抱經師吳丈西林

汪丈槐塘高丈願圃方君密庵商貢陪施京來萬近

蓬丁松老胡蒼來高蘄至燕集半舫齋題自鳴鐘

銅輪中轉外抱郭十二辰周雙絡索出機入機或擊之窈窕

春容金奏作我疑二十八宿羅心胸報盡昏中還旦中數杵

霜華丁夜白一圭日影午時紅洋人制器中華采大叩小鳴

眞善待高齋竟夕樂琴尊坐聽大風歌小海

謝肇淛五雜俎西僧利瑪竇製

自鳴鐘

丁魯齋自廣州寄贈光孝寺菩提樹葉

菩提欲證道心安瑞葉先勞餉一簞碧楮三年誰解刻朱絲

十字愛橫闌香羅扇樣團團小細葛衣紋片片寒遙想花宮

攀摘處滿林風露乍吟乾

石臺孝經歌

五經隸書議郎蔡太學門前立石大迫魏正始繼漢人篆古
體益邯鄲淳六經七經各雕布止書經文不書注何況孝經
今古文參差孔鄭之注尤滋疑偉哉有唐明皇帝約六家言
成御製既宣經義頌九垓復詔壁雍刊石臺八分親灑萬幾
暇五雲照曜三光開打碑初獻李齊古表稱陛下興孝五四
方取則北極尊遠勝孔氏書但屋壁存不思章分十八刪閨
門爲國諱養禍水根注經寫經忽爾筆削擅豈等詩云巧笑
倩他日青騾蜀道難悔刪聖訓應瞻寒制旨流傳貽口實龍
翔鳳沓誠天筆中郎石經今世稀隸書蕉萃杜陵譏試向芸
窗翻墨本可憐猶帶玉環肥

錢鐸石先生寫寄水墨芝蘭爲家嚴補壽同人集翠雲

館賦詩

模

與兒子

士珣

亦得韻同作

芝蘭思采采碧澗復丹厓重以彭籤筆珍于陸橘懷古香流
几席生趣鬱庭階奉杖新延賞良朋恰滿齋

天璽碑歌

東吳天璽碑云何吳主好侈羣下阿傳國四世覩一統識見
石印文有那改元天璽答神貺石頭一片降帆俄或云碑記
釋神識將軍內侯名姓羅厥文簡質字畫古黃初受禪非同
科石裂三段閱千載幸不荆棘埋銅駝我來秣陵歲癸丑郡
齋日醉鸚武螺談詩愛坐一葉舫踏雨怕著雙皮鞋今朝驟
晴天氣好側帽獵獵春風和三山街取狀元徑夫子廟對秦
淮河入門升堂曰明德粉榜翠墨書擘窠未覩皇象筆屈鐵
先覩宋瑞心無頗

明德堂扁相傳文信國書

尊經之閣峙堂後印刷史籍

堆陂陁中央突兀見此石鼎足分立詩書窩圓可合抱頂可
摩黷若璧玉堅難磋非隸非篆非史籀大書深刻期不磨森
如伏波鑿銅柱又若獵碣觀東坡測識四五味八九眩轉虎
鳳騰蛟鼉歸爲太守述所見掇贈搨本資清哦照眼復見宋
賢跋元祐移置功足多漕臺後圃此其是轉運副使曾婆娑
便擬鋪几看徹夜不管蠟淚堆銅荷統如五鼓萬籟作打窗
急點龍飛梭乃悟嚮者見石丈流汗被體先滂沱月暈則風
礎潤雨應感示兆無纖譌何物神讖污嵯峨莫知其一遑知
他

光和校官碑搨本

漢隸流傳今有幾校官之碑存溧水溧陽士庶愛潘君云自
曲阿來宰此化行俗美俄三年遠人景附增民廩乃修學官

列豆籩干侯用張鐘磬懸發彼有的祈爾爵雅容有閑胥樂
焉惜哉碑字半漫滅明燼不克如曹全曹全秀勁此雄暢騰
掣蛟龍春海漲禮器同標漢典荆石臺預啟唐官樣金陵訪
古空復空誰爲佳麗誰英雄諸葛宅前流水碧昭明臺下落
花紅眼明忽見光和刻公子殷勤分石墨一官千古姓名香
不是此碑誰表得嗚呼不是此碑誰表得請看釋文洪景伯

張孝女詩

并序

儀真張巧姑木工張天相女也母早喪兩兄傭值他
方姑獨與父處父肥又病痺半體不仁凡厥起居女
實左右之比閭稱焉乾隆甲子正月十八夜鄰不戒
火火大發女起視甫出火已封戶則大呼入救見者
止之不可遂入不出天明檢其尸父疊女肩四手壓

胸下者猶相握也蓋業負父於背力不任遂仆而死
時年十四耳嘉慶三年春眞州疏河得其墓碑於土
中而志乘未載里人將築祠以祀都轉曾公倡孝女
詩同人分體模得五律二首

甲子年頭事張家老梓人就傭兒出外失火夜遭鄰呼救馳
醫女倉黃負病親可憐同一燼力竭自成仁
漢有曹娥者沈江抱父屍與姑年正埒蹈火事尤悲至性成
千古馨聞此一時曉風仙掌路來讀廟門碑

張花農傲顏光祿五君詠詠梁山舟侍讀潘德園侍御
吳穀人侍讀宋茗香助教而殿之以僕殆四賢一不
肖耳穀人頃已入都因述近懷答之

不見張公久新詩過所聞情深兩湖水氣吐九峯雲驥尾名

叨埶蘭叢袂又分綠窗明月夜吟望爲夫君

題潘孝子傳

并序

潘隆居杭城柴木巷有子曰瑁年十五矣乾隆己亥臘月之望隆出其家有養子夜醉失火瑁救母丁氏不獲燬焉瑁姊珠姑適歸甯方火熾或拉之去姑曰母在何去爲且汝男子也胡拉我遂號泣抱柱死秀水金寅爲立潘孝子傳乃其姊亦烈女也

火德尊兮亶不親女丁太毒母丁身禁煙千古猶憐介合爲潘郎罷臘辰

母在如何命可逃甘心焦土不膚撓摸碑定有中郎在一例名傳孝女曹

貞婦門

并序

梅里張曜山之媳湯氏年十六未昏守志臥依夫柩者六十二年壽至八十而終里人某題貞婦之門四字後所居棄他氏爲坊者所聖坊者旋病死越日字迹仍露迨後入此室處者仍留此額相安如故云

梅里門標苦節貞百年相望凜如生榴皮莫詫神仙迹不及銀鉤透雪明

陳文湛

字厚齋號壽蘇時子文述弟錢塘諸生著青蘿館詩稿

杭郡詩續輯壽蘇詩得其兄雲伯之傳爲阮雲臺先生所賞定香亭筆談詰經精舍題名碑皆載之亦見梧門詩話惜早卒未竟其業

循煙霞嶺遂至水樂洞用林良月韻

平生山澤臞愛作林壑游煙霞緬高致往復山之幽澗曲深谷咽石漱清泉流山水有清音悠然與耳謀篁韻自瑟瑟松

風亦颼颼老衲臥雲壑禪棲松間樓彷彿洞庭樂坐令凡響
收坡老東陽詩和者惟子由元音琴瑟古俗韻箏琶羞應笑
朝元閣一曲霓裳偷珠散乳竇滴玉碎空潭投暝煙斂殘畫
還思顧虎頭

夏之盛

字松如錢塘諸生著留餘堂詩鈔初二集八卷

莊仲方傳略吾友夏君松如性閒淡而行敦篤能爲文章尤敏于詩每燕飲分賦酒半已成而所遇不偶卒年不得下壽

亦可悲也

吳振械序略道光己丑庚寅以來杭州詩人有東軒吟社余見夏君松如詩才銳思速座上閱者莫不擊節海夷之証君避兵新安憂憤

以死其子鳳翔余婿也

胡敬跋略松如寫山水多奇峭句是

時避寇途中襟懷灑灑吟詠不輟

諸可寶傳畧松如才氣縱橫爲文千言立就尤敏於詩每讌集分題酒未半而詩已傳觀與吳尙書振械交最契投贈詩亦最多

緝雅堂詩話余最愛松如詠南宋象牙牌一絕云垂柳
絲絲已化煙芳情悽斷畫闌邊玉樓春好無人唱荔子
紅香六十年
可謂淒豔

文丞相琴歌爲陳碩士學使用光賦

清涼寺待詔住撫琴一揮竟北去孤臣北去不復還空留絕
調無人彈成仁取義兩不愧琴聲傳出公心肝熒熒鬼火照
窗碧六陵回首松風寒燕樓淚聲變徵柴市血暈沁紫正氣
人間炳日星正聲萬古留桐梓

上巳日汪小米又村招集水北樓雨中修禊分韻

春雨不開晴春山頻入夢敲門喜客來買琴邀我弄禊事觴
詠兼遊福主賓共樓臺近水寒桃柳壓隄重撫時戒蹉跎望
歲愁空憶林表闕沈陰檐端飛瀑凍綺陌花盡凋低田麥未
種春服尙待成寒衣苦難送吟懷耐寂寥醉眼添昏瞢癡雲

溼半低幽鳥閒一哢模胡隔岸山浩渺連湖葑安得皎日來
晴光豁巖洞

銀肥

賤音海賦見明史暹羅傳今雲南呼海肥音巴案肥字書不載蓋肥之俗字

銀肥賤賤如土每餅易錢六百五久待力不能賤售心彌苦
貿絲糴穀嗟無所解朝持十餅售三四暮持十餅售一二人
心皇皇百貨滯安得腰纏十萬貫游行撒手空廬肆解昔年
振粥官設廠今年鎔銀官開鑪羣肥紛紛如蚨趨果然市價
回越吳但能除弊卽興利人人爭羨官開鑪解

趙烈姑詠

有序

烈姑年十三父母偶出鄰閭思虎強犯之父趙添和
訟諸縣官得賕科以和姦姑憤舉佩刀自刎季父添
中赴懇京師會梁給諫中靖亦以入告

天子震怒命重臣鞠得實寘思虎于法罪官吏有差姑行二

榆次縣人

出袖鉞鋒冷掣電粉頸墜肩手猶戰白虹睒睒貫太陰瞠目
長官顏色變登聞鼓擊鐘驚天彈章露拜獬豸官剖虎腹腸
轡虎肉墨吏遠竄奴兒干吁嗟乎青蓮華落女貞萎一死仍
還無垢體心經百鍊心不滓千秋潔照寒泉水寒泉在榆次縣東

周仲駒父敦歌爲湯念功表弟

繼武作有序

念功得古敦一具通蓋高九寸一分深四寸三分兩
耳三足紋鐫饗饗雲雷底蓋皆有銘其文曰景旁仲
駒父作仲姜敦子子孫孫永寶用享孝考諸博古圖
錄製作吻合屬爲賦之

兩耳三足奇無對金精冷蝕土花碎三十六字銘縱橫景旁

遺製猶留敦中云寶敦仲駒守孝享鐫銘垂永久夫不祭妻
禮有之制器定爲享厥母或指駒爲齊侯嗣或疑駒爲郤克
臣旣呼以仲曷稱伯仲姜齊姓非婚姻兩漢相沿多異說殘
編斷簡疑當闕是名是姓兩模胡論世由來貴通徹禮意長
存孰撫摩孝思不置難泯沒吁嗟乎我生何以答劬勞風木
悲深歲月遙菽水已曾虧定省餽香空使達君蒿鮮民長抱
瓶罍恥舉敦還君意鬱陶

漢昭陽宮壁歌

有序

壁爲禾郡農家掘地所得嘉慶壬申夏海昌徐壽魚
丈適在禾中以重值購之圍徑億僦尺一尺四寸厚
二分弱旁有分書三百八十一五字質諸周松靄丈
斷爲昭陽宮壁帶中金釭所銜之壁今春出此相示

屬賦長歌

徐公好古夙成癖示我漢宮壁徑尺三百八一分書留五字
鐫銘神奕奕昭陽憶昔築宮初趙家姊妹承恩居珠聯璧合
擅雙美想見連城玉不如連城美媛專房侍經營別構藏嬌
地壁帶藍田錯雜排西都一賦陳宏麗噫吁嘻健仔玉印人
猶惜一樣精醇留豔迹妃子嬌憐掌上身君王珍比懷中璧
何圖引身別館憶鳴珂回首宮門涕淚多君恩美滿忽中絕
羞見團圞月漾波無瑕是否身如此奈此微辭史筆何如德
非玉匹妃心祇玉知但聞共歡樂未解長別離金釭寂寞二
千載玦離金寒長若斯君不見梅花開落昭陽冷惆悵春風
燕不歸

漢谷口銅甬

有序

谷口銅甬容十升重卅斤甘露元年十月許椽章平
左馮翊府東方北方槃南西方共銘三十二字蓋漢
宣帝時器也

捫天挾星漢箕斗哆其上制器利倉箱肖彼喉舌狀傾鎔出
首山躍冶咨大匠職隸考工專名從博雅訪角較視平衡二
仲期無曠漢室甘露年銅甬製獨舛十升異補儲卅斤與鼎
抗法製本先秦圭臬垂權量區方達四隅庑式皆依樣憶昔
龔水衡重農銷兵仗買犢解佩刀田器同尊尙又聞司農丞
三輔給饋餉或自常平遺糴糶臻允當想見西京民含哺隱
願償厥先鼂錯疏貴粟崇論倡漕穀四百萬例運關東舫時
和民氣樂京師輸供仰當時米狼戾甬或勞摒擋獨怪法器
留數傳眞意喪宣帝好谿刻立法矧過亢南山久蕪穢豆落

其委壙多少斗筲才千石叨祿養神物善衡量憤時定惆悵
幸有蕭韓賢馮翊標物望銖兩示不欺平準息民謗錚錚抱
士行愧彼模稜相谷口誌不詳或與鳳山傍谿研秦嶺閒古
物咸收藏稜角厲秋霜歲久質無恙卅二字鐫銘青澗苔花
障力田詔久虛故老懷嘉貺屯田奏不刊繼治誰良將叩甬
甬不知往事空悽愴終當化物去魁柄瞻滉瀟

交蘆庵展祀樊榭徵君及月上夫人栗主

法眷結神仙彌勒龜同貯春風窈然來肅客開庭戶山果可
薦筵清泉抵酌醕小結淡漠緣敢託謳吟侶緬惟水磨頭曾
偕白石伍茗舟話團欒春燈夢悽苦彈指年七十關心月三
五生原居密邇歿亦神容與警欬或如聞新詩留幾許環珮
悵來遲翠禽相對語溪雲自去來梅花無今古不有風雅儒

誰作湖山主

劉鄜王草檄硯歌

有序

硯長五寸廣二寸銅質微凹前有蹲獅側刻建炎二
年戊申春劉光世草檄製蓋南遷時故物也

鐵甕城堅留半壁營空瓜步潮猶擊磨鈍江東老將才但餘
憤淚蟾蜍滴昔在建炎之二年東京卻敵神算全大將立功
騎尾去斯時帷幄無英賢豈知平叔先聲倡義旅石心砥礪
同甘苦想見拒金待詔阻淮師羽書夜半馳官府奈何鑾輿
遠向鎮江奔徵兵五路殊紛紛雷霆下筆走精銳片言掃盡
千人軍鎔成一硯款識十三字怒猊蹲側銜英鷺想爲天長
軍陷國步艱凹深長鬱不平氣此硯能堅金石交勁節錚錚
識心事況復張韓舊隙已捐除激切曾貽兩帥書磨盡龍賓

光不蝕幾番作奏尙躊躇同心不獨呂頤浩傳檄當如范致
虛沈吟閣筆精研鍊日試萬言對鐵面不讀裂膽披肝檄內
文猶得拭視當年草檄硯硯爲草檄製河山應共誓墨丸飛
不到穹廬臨池揮盡英雄涕君不見江州設讌氣矯矯得意
書爭獻穗表筆陣橫開大似椽壯懷忍覩朝廷小願儼勤王
詔莫屬班師稟將軍言行不齟齬硯豈甘爲塵土老

宋鏡歌

有序

余得古鏡一枚重一兩六錢四分厚一分圍徑七寸
面有光可鑑背鐫八卦中有篆銘三十二字曰宋元
祐癸酉孟秋旣望鮑公浩依禪作畫像以七寶莊嚴
敬造大阿羅漢一十八身字畫端整近至德壇鑪銘
蓋北宋時器也

過去鏡何存未來境安在禪行十分圓人面千回改獨有虛空不壞身法輪長照香雲海

戲詠秦檜銅豆

有序

其銘曰紹興丙寅承命作豆賜師臣檜其萬年子子孫孫永寶用享按丙寅爲宋高宗在位之六年岳王父子已前卒越九年檜遂晉建康郡王云

九廟尊罍泗水淪韓瓶已罷背嵬軍格天閣圯誰傳器歷日權高濫策勳宋室金甌終缺壞岳家銅爵自蒿煮鐵人餒絕猶長跼狗葬魂歸泣亂墳

檜瘞於仁和北境之句莊杭人惡之呼其地曰狗葬今無字碑猶存焉

讀小米遺集有感

遺詩五百首孤子十三齡把卷教重讀潛焉忽涕零恩恩吟

社散落落酒人醒可奈歌呼地東軒客再經

楚伯州犁戈

有序

戈長五寸五分重五兩五錢旁出歧枝長寸半銘曰
伯州犁戟徧體銅花鮮如翡翠吾友姚氏若所藏屬
賦

古人制戰器戈戟用同殖春秋屢構兵楚氛尤赫絕從事鄢
陵戰州犁伯勳力州犁晉之臣曷在楚王側未聞佐將帥援
胡何從識想見遷地良磨厲堅不泐始作纍臣逋繼供車右
職訴同賈皇言逐效士變翊鋒銛昔難攫土繡今重拭攻擊
敵可摧鉤刺戰必克從傍出歧枝不類平頭飾五五協權衡
銖兩平無忒出戈衛所船公孫垂銘刻鑱戈晉所遺左軍資
輔翼晉衛其屏周攘夷勢亟亟執銳一奮呼憤起風雲色荆

師定倒戈挫衄駭倒北幸留太宰器長得衛社稷文事有武備外威內安息他時白公劍對此僵欲踣勛哉伯州犁應念汝考直但期震諸蠻勿令逞蠶食

邢鐘篇

有序

鐘爲張氏仲甫所藏銘可辨者四十一字曰井節罍曰髀節文祖皇考對揚乃德得純祚魯永終於克罍不敢弗帥用文祖皇考銑閒有文曰穆秉德每憲虞器斲壽此器舊釋爲邢國器余審定爲井鐘蓋邢字說文从𠂔與此井字兩豎上出者判然不同井下一字作𠂔或云卽古節字儀徵阮相國獨訓爲叔見積古齋彝器款識井叔周人也屬鄭國余舊藏古鬲銘曰鄭井叔作拜鬲又安寶鐘又召鼎又亢彝皆鄭井

叔銘俱足證也爰作此以質當世博雅君子云

昔鄭并叔作拜鬲厯劫完好歸鯁生是鐘亦屬并叔船克對
乃德揚先靈摩挲細剔雲雷古篆銘深畫羞譌邢節訓作叔
更簡切積古款識精評衡彼邢實爲元公裔春秋衛滅非鄭
并此鐘律況倍無射景王以後器加盈是時夷儀遷已久確
然是非難移更邾古大國隸鄭地今爲鉅鹿昔并亭邾叔當
以邑爲氏如潁特冠考叔名周有并利秦并伯邾亦巨族多
名卿銘鐘勒鼎紀勳績列辟咸震煌煌聲導揚先命戒弗帥
大永終吉純祚亨髀叔文祖暨皇考歆爾孝祀鑒爾誠邾叔
遺事史文佚定能憲祖昭忠貞乃者鄭國日淩替榱崩棟折
朝將傾南門蛇鬪龍覲消災禔迭出悲金精三卿樹黨七穆
侈長夜窟室聞鐘鳴君驕臣僻政以弛宮商壞亂難爲正旋

蟲一綫紐欲絕蒲牢悲吼秋風生叩鐘我欲詢往事鐘不能
言徒勾勾東里良相善施設卅年鐘簾安無驚奈何二肆巧
賂晉女樂陪侍矜娉婷淫聲靡靡細已甚鬼神禋祀將誰馨
當時骨肉自攜貳京叔鑄簋猶聞腥高克作尊恣游讌清人
空厲矛重英宣和博古圖曾載京叔鑄高克尊二器豈如此器最渚古盤雲百
乳銅花青虎牢牛首祕珍怪何時出土祥光呈周公鑿鐘周
公望二品皆見積古齋鐘鼎款識千秋軌物遺西京拊鐘我欲弔新鄭諸
姬胥盡嗟宗盟習鼎曾載邦叔事赤環錫命登王廷五田用
眾繫曰鄭以彼證此尤分明靈餼作鐘用妥賓冗彝亦惟邢
叔銘三器亦見阮氏說寄語考古勿鑄錯愧我菲才如撞莛
柳如是鏡有序

周南卿明經舊藏唐鏡背有銘曰照日菱花出臨池

滿月生官看巾帽整妾映點妝成證以初白庵金陵
襍詠知爲河東君故物今歸汪氏又村拓本裝冊同
人賦之

蟾蜍蟄土光不蝕飛出絳雲樓上月千年玉李尙開花照見
雪膚輝雪髮牧齋嘗顧河東曰我愛卿髮如漆之黑肌如雪之白柳答曰妾亦愛君肌如妾之髮髮如妾之
肌二天另闢明光退整來巾帽羞重對晚節空憐鑄錯非妾
心鏡面郎心背君不見香銷紅豆子離離點罷殘妝又幾時
鏡背火龍能寶護衣紳畢竟讓蛾眉

太原長公主印歌

有序

予得銅印一枚龜紐徧體塗金方徑寸文曰太原長
公主章按主爲唐明宗女母曰曹皇后始稱晉國公
主後封永甯公主嫁晉高祖石敬瑭爲人彊敏敬瑭

嚴憚之廢帝清泰二年號魏國公主明年敬瑭反及
卽位有司請冊后高祖以宗廟未建謙遜不遑出帝
立尊爲皇太后契丹滅晉與帝北遷殂於沙漠夫主
旣晉封魏國安得仍稱太原豈以太原者唐與晉皆
自此發祥愛其地而稱之歟抑惡廢帝之封而別署
私印歟爰作此詩以質世之深於史學者

王八負璽幸鳳翔

僖宗入蜀使王建負璽以從後爲山令致所竊

唐失其御爲朱梁

羣雄擾攘盜名號紛紛玉印聯金章太原地險士馬疆前有
亞次後敬瑭彼長公主者誰氏明宗之女配石郎先封永甯
晉魏國王姬下嫁饒貲裝從父從夫樂未央太原湯沐資保
障姿性强敏夫婿憚屏藩王室宜勤襄石郎之反主兆釁宮
中醉語聞君王想見金塗鐫偉製握印虎視非尋常朱泥淋

漓鬱紫氣署名改制殊披猖使人心膽碎墮地攜璽自殺焚
椒房少俟姑夫亦何益麥飯長餒徽陵荒嗟哉母后竟殉國

女心外嚮能無傷維新景運占晉昌一百九州開井疆唐有

二十三州石晉獻十六州於契丹而遲冊中宮明遜讓晉封
得蜀金州又增置一州合一百九州

太后靳安康嗚呼廷臣謀不臧十年彈指更興亾狐狸狐搯

等閒事啖盡士卒無酥漿阿翁皇帝布大惠重荷撫問誠恐

惶書成二百有廿字自陳過咎辭淒涼鈴以私印太原主不

啗呼籲如邪孃翁與明宗訂兄弟庶幾香火盟毋忘遂爾無

憂噉飯處此書此印功爲良摩挲手澤紐未絕龜怒屹立神

猶昂處心殘忍根本絕母德視此慚端方愁中忽念永安妹

遣嫁延壽眞倉皇趙延壽先娶明宗女興平公主
主早卒至是又娶永安公主太原之事那

可說區區一印悲滄桑他年焚骨送范陽試問遺印何人藏

南宋銅銐牌歌

銐牌銅何委宛參伯伍伯自鑄款絲聯繩貫二寸餘提而挈
之可行遠元權鈔宋制牌錢法屢更國計乖滇南采銅銅已
罄伯顏闐然臨安來臨安行用已非昔一牌存亡亦何益患
深貧寡始何年端開淳祐鑄當百

楊忠愍公琴

律管皆親製孤標斷古桐君臣絃未應伉儷調能同羨里傳
悲操虞廷感聖聰我憐遺譜失何處覓還宮

韓尙書邦奇嘗屬公製十二管

管具五音七聲公以爲難苦思三日夢虞舜詔之而成然是說也予嘗疑之

聞乍浦警愴然有作

鐵綫沙空百道圍
羊歧路悵依違
羈縻莫誤儒生策
撻伐

誰伸

天府威門曳采旗

午浦地名

羣鬼鬩箭衙毒火萬鴉飛嘉湖接壤

驚騷驛介石何人早見機

錢廷錫

字振甫號夢琴錢塘諸生著懷草堂詩鈔

雜感

悲風振屋角陳雀鳴樹頭東鄰炊溼薪煙重積不流落葉踐
成泥芳草綠未抽有客久兀坐濁酒空持甌日短不知惜夜
長徒自愁鄉書雁鴻杳歸夢山河修一鐙弔孤影嚴寒生敝
裘殘編蠹蝕盡飢鼠將安偷東鄰有餘穀不供無厭求

不涉風波險甯知世路難不歷冰雪苦甯知歲暮寒高鳥必
棲託一枝心已安秋蟲必飲啄一粒腹已胖人生苟知足當
作如是觀牽蘿補茅屋俯仰天地寬

高應午

原名應松字心如號小農觀鯉孫仁和廩生

杭郡詩續輯小農生平詩不多作嘗
與其姊聲黃薌泉約同人爲詩社

宋仁宗飛白歌

天下昇平四民清七字足顯仁宗仁進賢退惡卻嘉瑞省刑
薄稅安邊民忍飢不啟燒羊例和藥立碎通犀珍厚澤深恩
四十載謳歌遙想周寰塵錢塘石刻出天筆前追羲蔡後無
匹非篆非隸筆法新亦白亦飛結構密青鸞欲舞丹鳳翔宿
霧乍散晴雲裂想當揮翰悅皇情一時勝事傳東京重午恩
沾綵扇賜玉堂格換銀榜成字圖一幅重孫爽點法三百超
唐卿自是聖明本天縱不然下筆能爾精吾杭一經宋南渡
在在貞珉御書布石經字煥首郡學見滄閣起吳山路更喜
此碑好且完晶瑩御寶碑中署體結新奇語匪誇天神定作
千秋護

高攀桂

字楓江號夢書仁和廩生

和范碩齋小游仙

爛嚼瑤林碧柰花
瑤漿漱盡暈朝霞
天瓢不足詩仙興
又訪

餘杭阿母家

江鎮海

字環九仁和人郡增生著醉經吟草

許仁杰曰環九續學有聲序開子泰來諸生亦能詩

夕陽

冉冉晴光澹欲流
小紅飛上十三樓
楚江一抹孤帆遠
雲樹遙烘古木秋
人立晚風爭野渡
鴉翻寒色落平疇
殘霞襯託供詩料
四顧蒼茫暮色幽

陸

豐

原名向大號乃亭仁和諸生官山東兗州府經歷

杭郡詩三載乃亭少工詞賦兼長繪事風流文采雅賦一時試吏岱東非其好也乃弟拾珊茂才謙獨工人物

詩則無存同居
湖墅珠兒潭

西湖打魚歌

東門菜西門魚南宋諺語傳不虛湖波搖漾四十里游魚之
樂濠梁如漁人打魚集清曉明鏡初揩霧收早瓜皮艇子疾
於梭捲葑穿菱撥浮藻把網未撒先鳴榔榔明魚驚奔竄忙
大鱗鱗小戢戢網合四圍竄還入貫之柳覆之荷荷花深處
聚魚多魚逸湖水清魚勞湖水濁上如求魚下乾谷一網今
收湖水淥打魚莫近錢王祠使宅魚賦無了時打魚莫向三
潭去潭是當年放生處打魚好到花港來中流趁未游船開
雨脫蓑衣風住艫不解衝風況衝雨怕上錢塘江上船漁兒
漁婦同辛苦湖隄酒樓魚擅名人人誇道宋嫂羹得魚上岸
換美酒醉弄漁笛聲悽清

潘

華

字紫卿海甯廩貢官秀水訓導

杭郡詩三輯紫卿工入法以箋箋求者踵相接工度曲風流跌宕年六十餘猶不減慘綠少年也

立夏前三日蔣生沐表弟

光煦

招集花事草堂賞牡丹

分韻得遠字

游絲壓地何柔婉陰晴不定春欲晚三徑探花花正開到門
已覺香風遠繡幄雕闌高下枝美人仙子排雲嚙細數鞋紅
歐碧花俱是元人名畫本華筵高敞情興豪清狂不讓嵇與
阮入夜天香香更濃馥郁已奪蘭九畹千枝燭豔百華燈燈
影花影團一苑酒酣搖筆鬪新詞十樣蠻牋光赫烜持牋絮
語問花神花應笑吾句未穩

二月廿三日晚至碧湖宿葉茂才

雲蛟

家與張貳尹問

來
夜話

旅迹偶經此停車晚叩門書生嗟老大仙吏傲乾坤逸氣橫
千里深情寄一樽來宵山店宿誰與話黃昏

玉溪道中

水鳥衝煙時一鳴微茫沙渚夕陽明林腰雲抹詩情幻山髻
花濃媚態生地險似過嚴子瀨路長不見越王城如何上已
繁華近獨向危溪亂石行

徐紹曾

字壽魚海甯廩生

王觀曰壽魚髻鬢即知詩七歲母死父客硤川賴祖母
撫育遺家多故因棄誦讀而學會計握算之暇宵分觀
書父憐其苦志仍令就學室人曹勤
鉞甫以佐膏火始得一意向學焉
周春曰壽魚詩古文爲宗師阮公賞識而字學之兼通
鐘鼎古文漢唐分法尤爲深許一時書名飛噪至如近
人作飛白者張芑堂飛而不白陳仲魚白而
不飛壽魚斟酌合度殆與宜山主人競爽矣
李遇孫金石學錄徐紹曾爲周松靄大令弟子愛石刻
日以摩挲古碑爲樂藏北宋二體石經周禮殘本實爲

罕觀大令任岑谿時得銅鼓一面底俱平底有銘古篆陽文人不能識攜搨本歸命壽魚考釋得四十字

遊龍井山

路轉松篁花氣迎天開奇境暢遊情泉鳴石腳琴無譜鳥喚山腰畫有聲翠壁題詩鐫小字禪關問酒趁新晴一坡嫩日半坡雨催取茶芽幾瓣生

題張荔園先生梅香歸櫂圖

嬾攜手版趁官衙赤岸尋春一艇拏莫道花枝太孤峭看花人更冷於花

邱光華

字旦齋嘉興廩生著三畝草堂詩鈔

府志光華工詩一洗纖浮綺靡之習性純孝母疾醫藥罔效時年尚幼于密室中剜臂肉和藥以進遂愈

聞雁

月景朦朧暗不分數行征雁叫秋雲對牀風雨人何在愁絕

空堂不忍聞

兔絲吟

蕭蕭枯樹林
謾謾松枝老
兔絲與女蘿
二草紛縈抱
昨夜風露寒
傷我女蘿草
女蘿旣已傷
兔絲慎自保
欣欣垂濃陰
常向松枝繞

雲岫庵

幽禽導我行
引入雲深處
茅庵構層巔
僧與雲同住
清磬時

一鳴經聲出高樹

沈范孫

字子孟號又希秀水廩生著又希齋集四卷

沈謙跋略大父幼承家學早年卽以詩名鄉里研心經訓著有詩學汝爲一書手稿存於家近胡給諫承珙著毛詩後編引是書以爲皖之汪氏鳳梧所纂蓋當時借刻於汪氏胡君未之知也

寓吳山題壁

下
踏徧槐花幾度空句留一月住花宮江山如此能容我鬢髮
蕭然半是翁薄酒中人還看月輕衫似葉卻當風歸雲洞好
丁仙杏野鶴無蹤四望同

丙申仲冬大雪偕李二掌如訪童二樹先生
雪香齋因留飲酒酣讀畫爰作歌以紀事
鉅於洛之

天公玉戲花彌空裝成世界玻璃同短李好事氣若虹拉我
來訪山陰童主人醉客傾千鍾歲十一月生春風客飲既醉
搜銀筒展卷忽覩姑射容枝如積雪花重重庭前紙上交玲
瓏古人畫松如畫龍翁今畫梅如畫松精神貫注鬼神通筆
所未到氣已充論翁品格誰寔宗高峯約略孤山逢孤山種
梅花繞宮翁今花放冰雪胸是梅非梅翁非翁潑墨但覺春
濛濛人生聚散如飛蓬而況我輩浮雲蹤乞翁爲畫梅花叢

攜歸懸著蓬壁中與翁相好無時窮

孫映煜

號黼齋海鹽歲貢著黼齋詩鈔

張宗軾序略黼齋幼秉家學酷嗜吟詠後又隨宦楚蜀江光山色益暢詩懷

謁陸宣公祠

一代靈祠古千秋諫草新密謀匡社稷內相實天人瓜果當年事衣冠故里春鶴洲餘舊址廟貌肅忠貞

霜曉

木葉下飄騷冷煙澹如織不奈曉霜多催老青山色

鍾

晉

字山子平湖恩貢著勺泉集

縣志晉深于經術力求聖賢用心所在常端坐深思達旦不寐故所見真切尤精于易著有周易釋十二卷已刊

射雕

曾隨羽獵賦長楊更拓瑯弓百石強一箭忽飛盤馬後雙雕
直墮暮雲旁平原短草連沙白秋日羣山入楚黃千里遙傳
烽燧息彎弧應為射天狼

潘承勳

字恭先號松坪正誼孫歸安歲貢著漢魏叢書訂誤名媛詩選願學齋刪存稿

自雲林步至韜光

平生愛山水潛步尋幽境竹徑何逶迤流泉窈而靜攝衣躋
其巔吹帶山風冷不知山已深落日留人影回首望雲林蒼
茫隔煙景此地足韜光悠然發深省

周如春

字樾亭武康貢著庚村書屋稿

縣志如春少與徐熊飛同學相為畏友長於詩唱和多
名下士兼工書法晚歲館褚涇邵氏因家焉朱為弼贈
以聯云書法直追晉唐上人品當在夷惠閒其見重於
先哲如此著有書法源流考鏡二卷庚村書屋文稿二
卷

從上柏至茹芝山訪王曉莊

山行際佳日晴翠撲人來竹色翳樵徑泉聲鳴釣臺峯迴雲
屋靜沙暖澗花開閒許王摩詰芒鞋破綠苔

姚素園約遊銅山余以禾中之行解維在卽歌以申意
湘溪水流且駛我欲乘流君強止逢君憶在蘋花洲別君又
向芙蓉池多君拍手意興豪青山笑人空煩勞人生能著幾
兩屐何不汗漫同遊遨銅官山青可挹欲溯雲泉路難卽君
似溪流情不竭我心恹恹神飛越舟子揚舲苦相迫

俞德順

字巽哉號蓀齋鄞諸生

拾翠樓枕上偶成

山風喧竹樹枕上落泉聲酒薄眠難穩樓高夢易驚春深思
遠道燈暗識殘更乍聽晨鐘報方知天欲明

山行晚歸

煙輕雨霽靄晴嵐風翦花紅水翦藍光景晚來更清絕一鉤新月落澄潭

俞挺芝

字茂階號鄭界又號商田慈谿貢生著守約軒詩稿

谿上詩輯先生性耽書家富縹緲手不釋卷好爲詩古文辭所著社會議一篇爲自來論社倉者所不及詩律深穩耐人尋味其爲人醇謹謙厚遇事有識臨終前夕絕筆詩有云持躬謹慎難辭隘處世和平未肯隨識者謂其自評之確足以概其生平云

題陳文定公像并公自贊手卷後

勝國師臣重辟雍永興五絕足追蹤最憐北李輝相映可歎東楊量莫容中貴何能移直節陪京長此滯儒宗拜瞻遺像猶餘慨閒氣句山此毓鍾

黃墓懷古

覆舟山外雲鬱蔥隆然遺墓傳黃公建儲事業誠偉矣采芝
曾憶商山中避秦曷不并避漢武陵風味將毋同君不見韓
彭就戮怨藏弓留侯亦自隨赤松後有起者誰聞風桐江羨
煞羊裘翁

林希周

字繹藤號亦蓮汝霖子慈谿人候選按察使經歷著小憩軒詩文殘稿二卷

林頤山述略大父性冲淡以貧窶自安喜作詩又工駢體儷文

自題江村長夏圖

天涯萍梗意何如憶得江鄉可結廬
畫紙幾曾邀橘吏敲鉞未解羨淵魚
成虧有數聊隨分物我忘懷願卜居
一卷黃庭何處寫桑榆歲月黑甜餘

史夢蛟

字作霖餘姚廩貢官山西太原知府著借樹山房詩稿

楊立坤曰竹房俊逸才能恤寒賤徵文獻鮎鱗亭之刻實爲全氏功臣嘉慶癸酉以林清案優敘歷官至郡守

兩浙輶軒續錄

卷二十

林希周史夢蛟邢樹

吉

八八八

翕然有能吏稱朱少僊丁丑懷人詩謂其途窮揮霍後官擢亂離中蓋猶指初仕時言也

擬劉孝綽上虞鄉亭觀濤

弱冠游京洛虛薄忝聲譽一通金閨籍謬與英儔俱優游省闈內珥筆華軒初連陪金馬署三入承明廬言論朝彥碩文章經國舒欣遇時來會譬彼縱壑魚誰謂俄遭議淪躓落江湖最爾宰此邑墨綬慙綰紆莫繼單父琴徒仰王喬臯治民既乏譜畏此叢簿書登城聊散目慨想古帝虞山川亦禹甸儼披王會圖娥江流如帶一望白練鋪秋風怒屏翳駭浪騎天吳激石洲渚沒揚沙雷輓驅湯湯不可極渺渺還愁予長喟職斯役奔命蹈沮洳逝將濟川楫歸臥清漳居

邢

樹

字章明號拂雲嵎陳生著
花卉圖考紫藤山館漫槩

擬黃山谷題伯時彭蠡春牧圖次原韻

饒州春色天外歸彭蠡湖中船如飛琉璃萬頃波浪湧千帆
橫截風生衣羣馬飲湖不滿腹決波飛霞走山麓靄靄白雲
浮石林離離青草長崖谷眠雲齧草馬踟躕雙瞳夾鏡相呼
招天光如水水無際有時照影鳴蕭蕭君不見金吾渥洼馬
出沒一日千里何忽卒宮門鑄式曾範銅誰能畫肉兼畫骨
展圖陡覺花驄來林閒原上屯雲開只恐夜深失芻秣化龍
入水珠韉脫

孤雁

雁亦結同心孤飛失舊音幾時冰鏡破何處素書尋古壁青
鐙暗寒潭碧水沈淒涼安可極惆悵暮雲深
影隨孤月冷夜以一聲秋菰米何能覓蘆汀不可留四山悲
客夢千里疊鄉愁更有相思處應無傍畫樓

牟汝霖

字雨蒼黃巖巖
貢著雨蒼詩鈔

題翁石泉大師後院

悟道期無我幽棲後院陰引泉初削竹枕石偶張琴藥草饒
生意蓮花比淨心微吟支遁集不覺暮鐘沈

鄭祖芳

原名祖芳號山浦江人
著樂清軒詩鈔二十卷

朱興梯序略鄭箕山為義門冲素處士後人漸濡孝友
意外遭變素冠蘊結自東至咸括沈休文韻永言者五
成什者三爍骨刻肌寸寸都碎嘯鳥變聲山川改色哀
其志而不忍卒讀著世恩堂文稿四卷彙集外編十四
卷

新秋

庭梧一葉飛瑟瑟秋風起寒塘淨微波吟興自此始天意無
炎涼消息互相倚何當籬菊黃采采到栗里

月下放歌

水中掬月月在手杯中吞月月在口舉頭天外風露涼明月
自在天空走三李白百東坡古來逸興誰最多狡兔擣藥得
幾許吳剛斫桂今幾何明月無言風瑟瑟一聲秋雁蘆花白

蛛網

屋角新添雨後絲張羅不肯避晴曦可憐蜂蝶頻投網多在
高飛得意時

和金華傅竹溪院長

文光

青蘿山懷古之作

君不見青蘿山上松色古青蘿山下飽風雨夔巫道遠魂難
招賸有夫人一抔土太史昔別金華山選勝挈家來此閒龍
門芝園富著作晴窗曲几開煙鬢春雨蓬蒿自滿廬草元亭
畔子雲居學宗濂洛天淵象文掃班揚糟粕餘早歲甘爲麋
鹿友脈絡淵源吳與柳一朝大壑起潛魚制作繽紛推巨手

我家元鹿山去此不盈咫尺公也年年修禊時一觴長泛桃花
水此山培塿何足言地以人傳古如此鹿洞何殊朱晦翁牛
溪想見文中子屋上驚看野雉飛免葵燕麥滿荒祠當年小
屋書千卷今日斜陽祇斷碑先生來此訪遺蹤前徽遠矣渺
何從一代文章昭日月百年桑梓感秋風懷古何須情不了
冰壺間道金華好君家自有蓬萊島何當著屐同探討

戴

琛

字其獻麗水人金
南子著雞肋詩鈔

府志戴金垣工經藝寶學使特賞之嘗判股療母人稱
戴孝子弟金南字赤寶好聚碑刻別古器以書法名金

南子琛

工吟詠

譚獻傳略琛慎行止寡言語常以吟詠自娛家屢空晏
如也壯年遊幕戎行鎮將甚器重之毫益好學與徐芸
亭莊育齋結社
聯吟倡酬甚富

由三巖至白雲紀遊

生平無勝情猶幸有勝具登陟誇身輕得盡林泉趣清曉出
西郊約行三里許倏忽到三巖入門一古樹何來風雨聲舉
頭見瀑布洞戶常不扃雲煙自吞吐翠壁矗空橫丹泉滿池
注勝境足怡悅徘徊容小住足力尙有餘晴氣況和煦復同
白雲游重新整芒屨要參玉版禪何愁嶺百步上方梵宇寬
空門多覺悟堂開水月澄樓隱松篁護借僧木石居醫我煙
霞癩昔人山水游往往紀詩賦此游亦不俗樂趣稱心素握
管寫長篇但恨無佳句

揖峯亭

迴環闌檻倚層空枕郭臨江地勢雄遠浦魚帆迷暮雨長天
雁陣唳秋風詩題黃鶴情何壯氣鬱青雲志未通貫月浮槎
何處是煙波渺渺望難窮

春雨

春雨兼旬又作霖
青山露出土牆殢
曉來溪漲平橋路
幾樹桃花臥水開